



सानसेयारि

बड'सा

सानसेयारि "बड'सा" खरीलाइयाव समाज्यादि जिउजो थानाय रायथाय, अनथाय, अल, अल'बाथा आरो दावबायादि थावनि, पार्क बाइदिनि सायाव लिरनाय लिरबिदा बैथाय ठर/ सानसेयारि "बड'सा" खरीलाइया खेबखानाने फोखावगोन।

बड'सायाव लिरठरनायनि ठुबा खालाम, "बड'सा" खरी नोथा, जो बयबो आंगो खालाम।

सानसेयारि बड'सा मावयलि

माइबं नोगोर, जोहोलाव दैमालु लामा

कक्राझार, ब्रिटिस-783370

Website: www.bodosanewspaper.com

BODOSA ★ A Bodo News Daily ★ Thursday ★ 13 February, 2025 Kokrajhar, BTC, Assam ★ Vol.- 33, Issue No. 314 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

जुनेगब | my  
ठबुगब | GOV  
मेरी सरकार



सत्यमेव जयते

आसाम सरकार

फरायसालि सोलोंथाइ बिफान

आसाम राइज्यो फरायसालि सोलोंथाइ गौथुम

2025 माइथायनि गोजौसिन गेजेरारि जोबथा आन्जाद आरो गोजौ फरायसालि सोलोंथाइ आन्जादनि आन्जाद लिरगिरि फरायसाफोरनिसिम

गाहाम हामलायथि बाउबाय



13 फेब्रुवारिनिफ्राय खुंजानो गोनं गोजौसिन गेजेरारि जोबथा आन्जाद आरो 15 फेब्रुवारिनिफ्राय खुंजानो गोनं गोजौ फरायसालि सोलोंथाइ आन्जादनि साफ्रोमबो आन्जाद लिरगिरि फरायसाफोरनिसिम गोसो गोर्बोनिफ्राय गाहाम हामलायथि बाउबाय।

लोगोसे बे मोननै आन्जादफोरखौ मोजाडै खुंफुंनो थाखाय आन्जादआव नांथाबनाय मान गोनं फोरेंगिरि-फोरेंगिरिजो, बिमा-बिफा, मावख 'गिरि-मावफारिया, पुलिस खुंथाइ आरो मान गोनं आसामनि राइज्यो-राजाफोरनिफ्राय हेफाजाब होगोनखौ मिजिंथियो।

ड॰ हिमन्त विश्व शर्मा  
गिबि मन्थि, आसाम

आन्जाद	गासै आन्जाद लिरगिरिफोर	आन्जाद मिरु
गोजौसिन गेजेरारि जोबथा आन्जाद	3,06,841	856
गोजौ फरायसालि सोलोंथाइ आन्जाद	4,29,448	944





सुजुगिरिनि खोलोम

मिथिंगानि आदार

सिगां समफ्राव हाख'र-हाला, गरखायनिफ्राय लानानै दैमा-दैसा, बिलो, फुखि, जाम्फै, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनानै दै सोनानै आबादिनि थाखाय गाहाम खालामनानै लानायमोन। बेफोरबादि ओन्सोलावनो ना-साम', खांखायनि आंखाल नुजायामोन। मोनफ्रोम दै थानाय हाख'र-गरखाय, दैसा, जाम्फै बिलो आरो ओरैनो बोहैलांगरनाय दैफ्रावबो ना-साम'-खांखायनि आंखाल नुजायामोन। खालिबोल' गोनांथि जायोमोन हमनानै लाबोनायनि। ना हमनो थाखायबो गोदो-गोदायनिफ्राय बाहायनानै फैनय सेन, खखा, खाखि, जेखाइ, पल' फोरजोनो सनानै हमनानै सल, बाल्लि, नाफ्राइ, बोथिया, सिंगि-मागुर, थुरि-बामि, फिथिखि-मावया ना एग्रे-बेग्रे मोन्नाय आरो मोनजानायनि बोथोरा माबा लांखायावनो गोमालांबाय। आथिखालाव दंसे टाउन-सहर, हाथाय-बाजाराव दाब-दाब राइज्यो आरो बिलोफोरनिफ्राय लाबोनाय नाफोरजोनो ना ओखिनि आइटेमखौ फोलोमनांगो जानानै फैयो। सुबुं देहानि थाखाय नानि गोनांथियाबो एसेल' नडा। नाथाय मोन्नांगौयासो गोब्राव जानानै फैबाय। नानि आंखाल फोलोमनो राइज्योयाव बोसोरे बोसोर गुबुन गुबुन राइज्योनिफ्राय लाबोनाय नानि आंखालखौ फोलोम फैनय जायो होन्नानै मिबथि मोनो।

ना-साम'-खांखाय गोमालांनयनि जाहोन एबा जोबनानै थोख्ले-माख्ले जानायनि गुदिखो गोबाडनो बाइदिसिना जाहोन आरो बिजाउन होन्नानै फोरमायबोदों। बेफोरनो जाहैबाय दैसा-जाम्फै, बिलो, हाख'र-हालाफ्रा लासैयै सानफा-एफा खोखांबोनानै दै थायै जानाय आरो बिलो बेहेर बारिफ्रा गोमालांनयजों लोगेसे बेफोरनि बांसिनो दड्डलाबो दै गैयै थायै जानानै फैनय। दै गैयाब्ला ना-साम'-खांखायफ्रा बबेनिफ्राय थाफेनो आरो बोरे फोलेर एरनो। फार्सिंथि मिथिंगा बिखायाव सिगांनि बादि अखादेजों आबुं जानानै थालिया। दैज्लां बोथोराव अखा हानानै थानाय दैयाबो दैज्लां बारनाय लोगो-लोगोनो राननानै गोरान जालाडो।

गुबुन मोनसे जाहोनखौ दैज्लां हाबनाय लोगो लोगो अखा हादैनि जावरिनयजों जेराव बिलो, दैसा-जाम्फैफोर दं बेफोर दैसा बिलोफ्राव फुवान होनाय ना आरो बिदे गोनां नाफोरखौ गोबों जेजों बोखानाय आरो मुलि-बिषो होनानै हमनायाव नानि जोलै एरनायाव हेंथा फेनायखायनो ना-साम' खांखायनि बिबाड सानफा-एफायैनो बाडाय जाबोनानै आंखालनि महर लाफेदों।

मिथिंगा बिखाया बिफां-लाइफां, हाग्रा-बंग्राजों थाजिम सोमखै महरै थायोब्लासो अखा-बांखा हानाय आरो बैसोमुथि बिखाया थाजिमै-थानो हागोन। अब्लासो दैसा, बिलो हाख'र, हाला, जाम्फैफ्रावबो दै बोहेगोन-ना साम', खांखाय आरिफ्राबो दैयाव थानानैनो फोलेर एरहोनायनि खाबु मोनगोन अब्लासो फारफ्रोम बिथिनि थाथाया सरासन्नायाव फेनिफगोन। ना-साम'-खांखायनि आंखालखौबो एफा-एनैयै फोलोमनायनि लामा मोनफिनायनि राहा थाहेगोन।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेघ:** लोगो-दिगि जेरावबो अनलायनानै थानो हागोन। लोगोनि दौलेंआ गोरु जागोन। मोजां सान।
- वृष:** जैरेबो रंजा-बाजा खालामनानै थानो हागोन। फारफ्रोमथिबो मोजां गोजोन मोनगोन।
- मिथुन:** मोजां खामनि मावनो थाखाय थुलुगा मोनो हागोन। गोजोन्नाय मोनगोन। मोजां सान।
- कर्कट:** मानिबा थाखाय रं खरसा खालामनानो हागौ। आखायाव थानाय रंआ जोबसांगोन।
- सिंह:** माबाफोर गात्रि जेनायाव गोर्लैबायनो हागौ। जैरेबो सांग्रां जानानै थानांगोन।
- कन्या:** जैरेबो मुलाम्फा खालामनानै लानो हागोन। नख'रआ जौगानाय फेगोन। मोजां सम।
- तुला:** देहानि जरा-जरायाव सानाय-सुनाय सिखांनो हागौ। जैरेबो सांग्राइ था।
- वृश्चिक:** माबा मोनसे मोजां खौरं खोनानै हागौ। गोसोखौ गोजोन मोनगोन। मोजां सान।
- धनु:** सोरजोंबाफोर गोरोन्थि बुजिलायनाय जानो हागौ। गोसो हमथानानै थानांगोन।
- मकर:** जैरेबो रंजा-बाजा खालामनो हागोन। गोजोनै सम हगारहरनो हागोन। मोजां सान।
- कुम्भ:** माबाफोर गोरोन्थि हाबा मावनानै खहा खालामनानै लानो हागौ। जैरेबो सांग्रां जानांगोन।
- मीन:** गोसोआ रावजोंबो दावराव-दावसि गैयै सिरियै थानो गोसो जागोन। गोसोखौ लोरबां लानो नाड।

संसदआव इन्काम टेक्स बिलखौ 13 फेब्रुवारिखालि दिन्थिनो हागौ

गोदान दिल्ली, 12 फेब्रुवारि: मिरु रंखान्थि मन्थि निर्मला सितारमनआ 2025 नि 1 फेब्रुवारिआव रंखान्थि बोसोर 2025-26 नि थाखाय हादरनि बाजेटखौ दिन्थिदोंमोन। निर्मला सितारमनआ गावनि बाजेटयारि बिबुथिआव गोदान इन्काम टेक्स बिलखौ फोसावदोंमोन, जायखौ गाहाइ मन्थि नरेन्द्र मदिनि दैदेनायाव केबिनेटआ थानाय सप्ताहआव गनायथि होदोंमोन। हादरनि गोदान इन्काम टेक्स बिलखौ दिन्थिनो हागौ। थानाय 7 फेब्रुवारिआव केबिनेटनि गनायथि मोन्नायनि उनाव बेखौ फेगौ सप्ताहआव दिन्थिनाय जागोन होन्नानै मिजिंथिनाय फोसामयदों। केबिनेटनि गनायथि मोन्नायनि उनाव रंखान्थि



मन्थिआ बेनि सोमोन्दे खौरं बिजोडव फोरमायथिदोंमोन। बे बिलखौ लक सभायाव दिन्थिनायनि उनाव सावरयनो थाखाय संसदीय रंखान्थि अरयथा कमिठिनियाव दैथाय हरनाय जागोन होन्नानै रंखान्थि मन्थिआ बुंदों। बे बिलनि सायाव संसदीय कमिठिआव गावनि सुबुरुन होनानै बेखौ केबिनेटसिम दैथायहरफिगोन। बेनि उनाव केबिनेटनि गनायथि

लानानै बेखौ संसदआव दिन्थिफिनाय जागोन। सुर्लुनि बादिब्ला, गोदान इन्काम टेक्स बिल 2025 आ भारतनि टेक्स सिस्टेमआव साबसांहोनायनि थाखाय मोनसे गिदिर नाजानायनिबो बाहागो। गोदान इन्काम टेक्स बिलनि थांखिआ थाखानाय टेक्स सिस्टेमआव साबसंहोनायजों लोगोसे बेखौ गोलैसिन खालामो। आथिखालाव भारतआव इन्काम टेक्स एक्ट 1961 नि नेमखान्थि आरो आइनफोरनि गेजेरजों सिस्टेमआ हाबा मावगसिनो।

मणिपुरआव थाबैनो गिबि मन्थि थिसनो कंग्रेसनि दैदेनगिरिया मिरुखौ खावलायदों



इम्फल, 12 फेब्रुवारि: मणिपुरनि बारा ' गिबि मन्थि आरो कंग्रेस एमएलए पार्तिनि दैदेनगिरि अक्राम एबबि सिंआ बिजेपिनि मिरुआरि दैदेनगिरिफोरनिसिम थाबैनो गोदान गिबि मन्थि सायख'नो राइज्योआव गोजोन, सरसनस्ता थासारि लाबोनो खावलायदों। खौरंगिरिफोरनि सिगाडव बिथाड बुडोदि, जुदि मिरुआ गोसो जायोब्ला सासे गोदान गिबि मन्थिआ बै समावनो समायखिरा लानो हागौमोन, जेब्ला एन बिरेन सिंआ बिबान नागरदोंमोन आरो बै समावनो रबिबारआव राइज्यो बेंगिरिया बिथांखि बिबान नागरनायखौ गनायथिदोंमोन। सिंएलपिनि दैदेनगिरिया बुंवावोदि, बिधान सभानि जथुम्याया 10 फेब्रुवारियावनो थि खालामखानाय बायदियै जागायजागौमोन। मिरुआरि बिजेपि दैदेनगिरिफोरनि बिथोनाव जुदि गोनांथि जानायमोनब्ला हर गेजेरवबो सासे गोदान गिबि मन्थिखौ समायखिरा लाहोनो हागौमोन। बिथाड बे समाव मणिपुरआव हादतगिरि खुंथाय जाबसिन्नायखौबो अजद होदों। बिथाड बुडोदि, जुदि मिरुआ जेबो जाहोन गैया जासेनो मणिपुरआव मोनसे संबिजिरारि खैफोद सोमजिखांहोनायनि यजना बानायदों आरो हादतगिरि खुंथाय सोलिहोनो सान्दोंब्ला मणिपुरनि सुबुंफोरा बेखौ सहायनो जोबोर गोब्राव मोनगोन। इबबिआ बुंवावोदि, कंग्रेस पार्तिआ सरकारनो गोहोम गोनां बोसोन होनायनि थाखाय जेब्लायबो थियारि। अदेबानि पार्तिआ सरकारनि जाफुंसारैफोर आरो फेलें जानायफोरखौ आसि थुनानै होनायावबो उन जानाय नडा। बेनि अनगायै बिथाड मिरुनिसिम मणिपुरनि सुबुंफोरखौ मान होनो आरो गासैबो थाखोनि सुबुंफोरनि थाखाय जौगाखां हाबाफारि जागायनोबो खावलायो। मणिपुरआव कंग्रेसहा सा 5 एमएलए दड आरो मणिपुर बिधान सभानि गाहाइ बेरेखा दोलो।

हादतनि दर 6 राइज्योफोराव दिनै अखानि एलार्ट फोसावदों

गोदान दिल्ली, 12 फेब्रुवारि : दिल्ली एनसिआरजों लोगोसे सा भारतआव बोथोरा गोजोनग्लाय जायो। इउपि बिहारजों लोगोसे सा भारतनि माखासे राइज्योफोराव सुबुंफोरा जोबोद गुसुनिफ्राय रेहाय मोनो। आथिखालाव फुं आरो बेलासियाव सरासन्ना गुसु गोर्लैगासिनो दं। बेनि गेजेरजों दिनै अखाड साफायै थागोन आरो सोनाब फारसेनिफ्राय गोखों बार बारनो हागौ। बेयाव अखानि मिजिं गैया। बिफाननि बायदिब्ला, सा-सान्जा बांलादेश आरो खाथि-खालानि ओन्सोलफोराव चक्रबाति बारा साग्लोबदों, जायनि जाहोनाव सा-सान्जा भारतआव गोबां अखा हानायनि सन्देह' फोरमायदों। दिनैनिफ्राय लानानै 13 फेब्रुवारीसिम नागालेड, मणिपुर,



मिज'रम आरो त्रिपुरयाव अखा हानो हागौ। बेनि अनगायै दर 6 राइज्योफोराव अखानि एलार्ट फोसावयो। हाजोयारि राइज्यो हिमाचल प्रदेशआवबो बोथोरा सोलायनो हमदों। बरफ गोर्लैनायनि अनगायैबो खुवानिबो थासारि सोमजिदों। बोथोर बिफाना बुधबारखालि राइज्योनि मोन्थाम जिल्लाफोर मान्डि उना आरो बिलासपुराव

शित गोर्लैनायनि सांग्रांथि होयो। बुधबारखालि माखासे जायगाफोराव जोमै साग्लोबनाय आरो बांसिनावनो बोथोर साडै थानायनि सन्देह' फोरमायो। बेयाव मेक्सिमाम बिदुडव 1-3 डिग्रिसिम दावखलायनायखौ दिखानो मोन्नाय जादों। बेरा फारसे उत्तरखान्दआव सान्दुं दुनो हयो। बोथोरा स्रां जानायनि जाहोनाव बांसिन ओन्सोलफोराव

साहारा ग्रुपनि जमा दोनग्राफोरनो दासिमआव 2026 कौटि रं रान्नाय होनाय जाबाय

गोदान दिल्ली, 12 फेब्रुवारि: क-अपारेटिभ मन्थि अमित साहआ थानाय मंगलबारखालि संसदनो खौरं होयोदि, बे बोसोरनि 28 जानुवारिसिमआव साहारा ग्रुप अफ क-अपारेटिभ ससाइटिजनि 11.61 लाख जमा दोनग्राफोरनो 2,025.75 कौटि रं रान्नाय होबाय। बिथाड लकसभायाव बुडोदि, बेखौ सिआरसिएस साहारा रिफान्ड पर्टेलनि गेजेरजों रान्नाय होनाय जादों। बे पर्टेलखौ थानाय 2023 नि 29 मार्चआव सुप्रिम कर्टनि बिथोननि उनाव गायसन्नाय जादोंमोन। बेनि थांखिआ आइनारि जमा खालामग्राफोरनो बिसोरनि रंखान्थि मोन्नायाव हेफाजाब खालामनाय। आथिखालाव आधारजों लोब्बा थानाय बेंक एकाउन्टनि गेजेरजों साफ्रोम जमा खालामग्राफोरनो 50,000 रंसिम होगासिनो दड। बेनि अनगायै जमा खालामग्राफोरनि



आर'ज गाबनायाव जायखि-जाया आंखाल मोन्नायाव बिसोरनो 2023 नि 15 नभेम्बरआव लन्व खालामनाय रिसाबमिसन पर्टेलनि गेजेरजों आर'ज गाबनायखौ जमा खालामफिन्नो थाखाय खौरं होगासिनो दड। बिथाड बुंदोंदि, बिपानआ साहारा ग्रुपनि जमा दोनग्राफोरनो रंखान्थि होनो थाखाय मोनफ्रोम जानो हाथाव थांखि लागसिनो दड। शाहआ बुंवावोदि, पायलट आवाज भन्डारण यजनानि गेजेरजों गासै मोन 11 राइज्योफोराव थानाय मोन 11 गुदि आबाद लन

कमिठिफोरनि गेजेरव गुदामफोर खालामनाया आबुं जाबाय। आथिखालाव थान कम्पानीफोर पेट्रल आरो डिजेलनि खुसा गलाफोर खुलिनो थाखाय मोन 286 आर'ज गाबनायफोरनि गेजेरव मोन 26 गुदि आबाद लन कमिठिफोरखौ सायख'यो। मिरु देहा मन्थि जेपि नड्डुआ राइज्यो सभानो फोरमायोदि, 2019 आव लन्व जानायनि उननिफ्राय 2025 नि 2 फेब्रुवारिसिमआव इ-सन्जीवनी प्लेटफर्मनि गेजेरजों 34 कौटिनखुइ बांसिन बेयमिफोरनो सुबुरुन होनाय जादों।

आइन बेरेखा खैला खादानफोरखौ नोजोर लाखिनायाव मेघालय पुलिसनि इनआ फेलें जादों

गुवाहाटी, 12 फेब्रुवारि: बिजिरगिरि कटकेनि समितिआ मेघालय पुलिसनि राइज्योआव आइन बेरेखा खैला खनिफोरनि खामानिखौ नोजोर लाखिनायाव इनखौ गोहोम गोनाडै बाहायनायाव जाफुंसारैखौ गोजोन्नाय मोनै फोरमायदों। गावनि 27थि अन्तरिम रिपर्टआव समितिआ थासारिखौ जोबोर दुखु नांथाव होन्ना फोरमायथिदों। राइज्यो सरकारआ मेघालय आबहावा आरो सरेखाथि गायसन्नाय फान्ड (एमइपिआरएफ) नि गेजेरजों मोनै इन कन्ट्रल रुम गायसन्नायाव 45.27 लाख रं इन्भेस्ट खालामदोंमोन। अदेबानि समितिआ मोनोदि, पुलिस बिफानआ जोन्थोरखौ मोजाडै बाहायाखै, जायजों कन्ट्रल रुम बानायनायनि थांखिया फेलें थानों। सान्जा जयन्तिया हिल्स, सोनाब जयन्तिया हिल्स, सोनाब खासि हिल्स आरो खोला गार' हिल्सखौ मख'जाथाव आइन बेरेखा खनि हाबाफारि मावनायजों लोगोसे गाहाइ खैला दिहुनग्रा जिल्लाफोर महरै सिनायथिनायनि उनावबो



पुलिसआ थानाय 10 दानफोराव बै ओन्सोलफोराव मोन 6 सर्टइजल' दड। बेनि अनगायै खोला गार' हिल्सआव गासुआपारा पुलिस स्टेशननि बेंखन ओन्सोलफोराव गोबां इन नोजोर लाखिनाय जायाखै, जेराव गोबां बिबाडव खैला जब्द खालामनाय जादों। समितिआ पुलिसखौ गासिबो जिल्लाफोराव थि रोखोमै इनजों नोजोर लाखिनो खावलायदों, सप्ताहसेनि गेजेरव आइन बेरेखा खनि एबा खादाननि हाबाफारि सोलिनाय ओन्सोलफोरखौ सिनायथिनो आरो नोजोर लाखिनायनि थाखाय मोनसे जर'खा टीम दानो थाखाय खावलायदों। पुलिसआ 6

दानसिमनि भिडिअ फुटेज बानायना दोन्नो आरो नोजोर लाखिनाय हाबाफारिफोरनि सायाव सप्ताहयारि रिपर्ट दिन्थिनायनिबो गोनांथि दड। नेम-खान्थियारि पेट्रलिंखौ रोखा खालामनो थाखाय गासिबो

स्टेसनफोरनि बिबानगिरिफोरा एमपिफोरनो 15 साननि गेजेराव रिपर्ट गोनांगोन, जाय बेफोर रिपर्टखौ पुलिस मावख' आरो खनि, हा बिगियान बिफानजों शेयार खालामगोन।

AFFIDAVIT

I, TEJENDRA BASUMATARY, aged about 60 years, S/O. Deulsing Basumatary, by nationality- Indian, presently residing at Village- Madhya Kalugaon, P.O. Simbargaon under P.S. & Dist.- Kokrajhar, BTR, Assam, PIN-783370, do hereby solemnly affirm and declare as follows:-  
 1. That, I am the bona-fide citizen of India by birth and permanent resident of above mentioned address.  
 2. That, my actual / correct name and surname is TEJENDRA BASUMATARY, which is recorded in my relevant documents.  
 3. That in my Online record of Land documents, covered by (i) land measuring 02B-04K-03Ls, Dag No. 152, 151, Patta No.- 120, situated at Village- Kalugaon under Kokrajhar Revenue Circle, Dist. Kokrajhar, BTR, Assam and (ii) land measuring 05B-03K-11Ls, Dag No. 70, Patta No.- 35, situated at Village-Subajhar under Kokrajhar Revenue Circle, Dist. Kokrajhar, BTR, Assam, wherein my name and surname has been recorded as TEKENDRA BASUMATARY instead of TEJENDRA BASUMATARY.  
 4. That, I do hereby declare that TEJENDRA BASUMATARY and TEKENDRA BASUMATARY is the same and one identical person, who is none other but myself.  
 5. That, this declaration is made by me as a piece of evidence to submit it before the concerning authority for avoiding the confusion and also to rectify / correction regarding my name and surname as stated above and for doing needful purposes accordingly. All the statements made herein above are true to the best of my knowledge and belief and nothing has been concealed therein. Name: Tejendra Basumatary Village: Madhya Kalugaon P.S. & Dist.: Kokrajhar, B.T.R., Assam.



# गिबि मन्थिआ शिंगापुरनि लेडाइ गाहाइ मन्थिखौ लोगो हमदों आसामआव वर्ल्ड स्कील सेन्टर गायसन्वो शिंगापुरनि दारिमिनगिरिफोरखौ हांखायदों

दिसपुर, 12 फेब्रुवारी: एडभान्टेज आसाम 2.0 नि थाखाय आसामनि गिबि मन्थि ङ हिमन्त विश्व शर्माआ दासान्दि, मुलुगनि गुबुन गुबुन हादतआव दावबायनाने आसामआव दारिमिननि खोन्देखौ जौगाहोने थाखाय रां बाहायफेनो गुबुन हादतनि दारिमिनगिरिफोरखौ हांखायबाय थादों। बेबायदिनो गिबि मन्थि ङ शर्माआ सानथामनि हाबाफारिजों शिंगापुराव दंहेयो। सानथामनि हाबाफारिजों गावनि शिंगापुर दावबायहेनायनि दिने नैथि सानआव गिबि मन्थि ङ शर्माआ शिंगापुरनि लेडाइ गाहाइ मन्थि गान किमयंखौ लोगो हमनाने भारत-



एसियान जौगालु लोगोआरि बिथिङव आसामनि गाहाइ बिफाव लानायखौ

फोरमायथियो आरो दारिमिन खोन्देखौ जौगाखांहोनायनि थाखाय आसाम सरकारआ

जर'खायै नोजेर होनाय एबा गोसो जानायनि सायाव

शिंगापुरनि लेडाइ गाहाइ मन्थिनो फोरमायथिना होयो। दिने नैथि सानआव गिबि मन्थिआ शिंगापुरआव एडभान्टेज आसाम 2.0 नि मोनसे रड स्व'आवबो बाहागो लायो। गुबुन गुबुन फालांगि आरो दारिमिन सेक्टरआव खामानि मावग्रा दारिमिनगिरि आरो फालांगिरिफोरखौ हांखायनाने लाबोनाय सा 200 नि बांसिन फालांगिरिफोरनि गेजेरव बिबुथि लाखिनाने गिबि मन्थि ङ शर्माआ आसामआव स्कीलिं, ( 6 बिलाइआव)

# फैगौ 17 फेब्रुवारिखालि बिटिसिएलएआव खुंजागोन आसाम आइन आफादनि बाजेट जथुम आसाम सरकारनि चिफ सेक्रेटारि ङ रबि कटाआ जायगा नायगिदिंफेदों

कक्राझार, 12 फेब्रुवारी: सोलिफु फेब्रुवारी दाननि फैगौ 17 अक्टखालि बिटिआरनि राजथावनि नोगोर कक्राझारनि बड'फा नोगोरआव थानाय बिटिसि मावखुलिनि आइन आफाद जथुमसालियाव गिबि खेबनि थाखाय आसाम आइन आफादनि बाजेट जथुम्मा खुंजानो थांगासिनो। कक्राझारआव खुंनो लानाय बे आसाम आइन आफादनि जथुम्माखौ खुंनो जायगा बिटिसिएलएनि थागाथियारि खालामनायखौ दिने आसामनि



चिफ सेक्रेटारि ङ रबि कटाआ नायसंफे यो। जायगाखौ नायगिदिंनयजों लोगोसे ङ कटाआ कक्राझारआव गिबि खेबनि थाखाय थामहिनबा

राइज्योनि राजथावनि नोगोरनि बाइजोआव गिबि खेबनि थाखाय खुंजागोन गोनां बे आसाम आइन आफादनि ( 6 बिलाइआव)

## बिटिआरनि रेलवे स्टेसनफोरव गोखै खारग्रा आरो दावबायारिरेल लाखिनो एमपि रोनगोरा नार्जरीनि दाबि



भबानिपुर, 12 फेब्रुवारी: सोलिफु पार्लियामेन्टनि बाजेट जथुमाव बाहागो लानाने आसामनि एमपि रोनगोरा नार्जरीआ बिटिआरनि गुबुन गुबुन रेलवे

स्टेसनफोरव गोखै खारग्रा आरो दावबायारि रेलफोरखौ लाखिनो गोखौ दाबि दैखंदों। राइज्यो सभानि एमपि नार्जरीआ लाथिख'

आवारआव बिबुथि लाखिनाने बिटिआरनि राजथावनि कक्राझारआव मोनफ्रोमबो रोखोमनि रेल गारि लाखिनयनि गोनांथार होनाने बे स्टेसनाव स्पेजनि दाबि दैखंदों। कक्राझारआव बिटिआरनि सेक्रेटारियेटजों लोगोसे बड'लेण्ड मुलुगसोलोंसालि, सेन्ट्रल इन्स्टिट्यूट अफ टेक्नल'जि, मेडिकल कलेज, इन्जिनियरि कलेज आरो बायदिसिना सरकारि मावखुलिफोरव ( 6 बिलाइआव)

## डिमाहासाउआव दावबायहैदों राइज्यो बेंगिरि लक्ष्मन प्रशाद आचार्यआ गाहाइ जेंना आयदाफोरनि सायाव गामिआरि राइज्यो-राजाफोरजों सावरायदों



गुवाहाटी, 12 फेब्रुवारी: आसामनि राइज्यो बेंगिरि लक्ष्मन प्रशाद आचार्यआ दिने हरखाबे

डिमाहासाउ जिल्ला दावबायहेनायनि बाहागो महरे राइज्यो बेंगिरिआ जिल्लानि गामिआरि सुबुंफोरजों माखासे सम हगारदों। जिल्लानि गामिआरि ओन्सोलआव मिरु सरकार आरो राइज्यो सरकारनि बिथांखिफोर मावफुंनय आरो बेनि मुलाम्फाफोरखौ मोन्या-मोने आयदनि सायाव गामिआरि राइज्यो-राजाफोरनिफ्राय थोंजोडे खौं लदों राइज्यो बेंगिरिआ। बिथांख गामिआरि ओन्सोलनि गोबांथार शेल्व हेल्प गुपनि सोद्रोमाफोरजोंबे लोगो हमनाने सावरायदों। ( 6 बिलाइआव)

## माघी पुर्णिमाजों लोब्बा लाखिनाने रन्वाइधाम रुपामणि बाथौ मन्दिरआव 45थि मुलुग गोजोननि यज्ञ मुलुग गोजोननि यज्ञआव बिटिआरगाहाइ प्रमद बर'आ बाहागो लाहैदों

बड'सा थान्दे, बासुगाव, 12 फेब्रुवारी: दिने गोथार माघी पुर्णिमाजों लोब्बा लाखिनाने चिरां जिल्लानि रन्वाइधाम-गसाइगाव रुपामणि बाथौ मन्दिरआव गुबुन गुबुन बोसोराव खुंनोनाय बायदिनो गा 45थि मुलुग गोजोननि यज्ञ खुंनो जायो। सानथामनि हाबाफारिजों खुंनय दिनेनि जोबथा सानाव जर'खा महरे हुमयझखौ मिरु खालामनाने रुपामणि बाथौ मन्दिर लांगोनायाव मोनसे फोर्बोआरि महर मोनो। फु'बिलिनिफ्राय जागायनाने



आसामनि दाब-दाब ओन्सोलनि अनगायैबो सोनाब

बंगनिफ्राय फेनाय रोजाबां बर' हारिनि सिबिसुला राइज्यो-राजाफोर बाहागो लाफेनाने मुलुग गोजोननि मुडे खुंनय यज्ञआव बाहागो लायो। मख'नो गोनांदि, बर'फोरनि सोलिनाने फेनाय बाथौ धोरोमखौ सोदाने 1980 माइथायाव धोरोमगुरु रुपामणि नार्जरीआ रुपामणि बाथौ धोरोम दाफुंनाने फोसावदोंमोन। गुदि बाथौ धोरोमनि सोलिनाने फेनाय बोलि होनाय खान्थिखौ नागारनाने बिबार आरो बेहेल बिलाइजों बाथौ एबा शिव-पार्वतिखौ सिबिनाय आरो यज्ञ होनाने फु जिनायखौ

रन्वाइधाम-गसाइगावनि रुपामणि बाथौ धोरोमनि मिरु आफादनि मन्दिरआव दुलाराय मुलुगनि सुबुं माहारि आरो जिउ-जिबिफोरनि मोजांनि थाखाय मुलुग गोजोननि यज्ञ खुंनाने फेनाय जादों। दिने रुपामणि बाथौ मन्दिरआव बे सानजों लोब्बा लाखिनाने मोनसे जर'खा महरे धोरोमारि मेल खुंनय जादों। रोजाबां सिबियारि राइज्यो-राजाफोरनि बाहागो लाफेनाय बे धोरोमारि मेलव बाहागो लाफेयो बिटिआरनि गाहाइ मावफुं सोद्रोमा प्रमद बर'आ। बेनि सिगां मुस्त्रि बर'आ मुलुग गोजोननि मुडे खुंनय यज्ञआव यज्ञाहुति होनाने बयनिबो गहाम हामब्बानयनाने नुनो मोने अर गोहोनि खाथियाव आर'ज गाबो।

## अरां बियाब बाथौ गौथुमनि रुफाथि माइथाय फोर्बो आरो उदालगुरि बियाब बाथौ गौथुमनि खुंगा 34थि बोसोरसालिया जथुम्मानि लाइखुन्थिया गाइसनबाय मुलुग आरो सुबुं माहारिनि गोजोननि थाखाय बे हाबाफारियाव गौमा आर'ज गाबनाय जागोन: ङ निलतु स्वर्गियारि

बड'सा थान्दे/उदालगुरि, 12 फेब्रुवारी: उदालगुरि जिल्ला दुलाराय बाथौ गौथुमनि बेंखनाव थानाय अरां बियाब दुलाराय बाथौ गौथुमनि रुफाथि माइथाय फोर्बो खुंथायइ लोगोसे उदालगुरि जिल्ला दुलाराय बाथौ गौथुमनि खुंगा 34थि बोसोरसालिया जथुम्मानि फैगौ मार्च दाननि 21, 22 आरो 23 खालाराव सानथामनि मेहेरगोनां हाबाफारिनि गेजेरजों अरां बियाब दुलाराय बाथौ गौथुमनि थानसालि लांगोनायाव खुंफुंजानो थांगासिनो दं। बेनिनो दिने फुबिलि समाव जानो गोनां



हाबाफारिनि गाहाइ लाइखुन्थियाखौ बाथौ दोहोरोमनि नेम-खान्थि बादिये गाइसननाय हाबाफारि लानाय जायो। उदालगुरि जिल्ला

दुलाराय बाथौ गौथुमनि आफादगिरि गहिन चन्द्र बर'आ हाबाफारियाव बाहागो लानाने गाहाइ लाइखुन्थिया गायसननायखौ मावफुंनो होयो।

जर'खा आलासि महरे बि टि आरनि मावफुं सोद्रोमा ङ निलतु स्वर्गियारि, एम सि एल ए दिपक मौर बिथांमोनहाबो बे हाबाफारियाव बाहागो लायो।

जानो गोनां सानथामनि हाबाफारिया गिबि आरो नैथि साननि खावसे बाहागोआ अरां बियाबनि रुफाथि माइथाय फोर्बो खुंथाइ हाबाफारिया गाजा-गोमजायै सोलिगोन आरो बेनि आद्रा थानाय सानफोरखौ जिल्ला आफादआ लानाय जागोन होना मिबथि होयो उदालगुरि जिल्ला दुलाराय बाथौ गौथुमनि आफादगिरि गहिन चन्द्र बर'आ। हाबाफारि बायदिये जिल्ला आफादआ बाथौ आर'ज गाबनाय, दोहोरोमारि बोसोन होनाय ( 6 बिलाइआव)

### NOTICE

All the Candidates recommended by APSC for ACS and other allied services through Combined Competitive Examination (CCE), 2023, Veterinary Officer/Block Veterinary Officer, Plant Manager and its equivalent post under Animal Husbandry & Veterinary Department and Junior Engineers under Public Health Engineering Department are hereby informed that their appointment letters will be distributed ceremonially in a function to be held on **16<sup>th</sup> February, 2025 at 11.00AM** at Srimanta Sankardev International Auditorium, Srimanta Sankardev Kalakshetra, Panjabari, Guwahati.

All the selected candidates are hereby informed to report at the 8.30 AM at fixe & venue without fail and collect their appointment letters.

Sd/-  
Secretary to Govt. of Assam  
Personnel (A) Department

Janasanyog/D/12468/24/13-Feb-25



(Online) FRESH ADMISSION IN  
B.A., B.Sc., B.Com., M.Com., M.A., M.Sc.  
(ENGLISH, HINDI, ECONOMICS, POLITICAL SCIENCE, PUBLIC  
ADMINISTRATION, SOCIOLOGY, HISTORY, RURAL DEVELOPMENT, MSHCH, MSCBCH, MSCHEM, MSCGG,  
MCOM Etc.) Under IGNOU

January 2025 Admission Cycle Last date for submission  
of Application : 15<sup>th</sup> February, 2025

Free Admission for SC/ST Candidates in Undergraduate Programmes, PG Diplomas, and  
Diplomas and Certificate Programmes. Contact IGNOU Regional Centre Guwahati or any  
IGNOU Study Centre.

Link for Online admission  
For ODL Mode:- <https://ignouadmission.samarth.edu.in/>  
For Online Mode:- <https://ignouolp.samarth.edu.in/>

Co-ordinator  
IGNOU Study Centre (0414)  
Kokrajhar Govt. College

\*\* For details Contact  
Mob No. 9706969203



## गाहाड़ मन्थि मदिआ फ्रान्सखौ भारतआव इन्भेस्ट खालामनो हांखायहरदों

पेरिस, 12 फेब्रुवारि : गाहाड़ मन्थि नरेन्द्र मदिआ फ्रान्सनि इन्भेस्टारफोरखौ भारतआव फेनो हांखायहरनानै बिसोरनो जौगाखानायनि सल 'बाथाबो खोनासंहोदों। गाहाड़ मन्थि मदिआ फ्रान्सनि कम्पानीफोरखौ हांखायहरनानै बुंदोंदि, बिसोरखौ भारतनि जौगाखानायनि सल 'बाथानि बाहागो खालामना सिमना गैयै खाबुफोरनि सायाव सानखानागोन। गाहाड़ मन्थिया बुंदों, आं नोंथांमोननो मिबथिहोनो सानोदि, भारतआव फेनायनि बेयो थि सम। साफ्रोमनिबो जौगाखानाया भारतनि जौगाखानायजों लोब्बा



दं बेनि मोनसे बिदिन्थिखौ उरां जाहाजनि फोथायव नुनो मोन्दों, जेब्ला भारतयारि कम्पानीफोय उरांफोरनि थाखाय गिदिर अर्डीर होदों आरो आथिखालाव जों 120 गोदान उरां जाहाज गाथोन

खुलिनो थांगासिनो, बेजों नोंथांमोनआ इयुननि खोथा सानो हागौ। पेरिसआव 14 थि भारत-फ्रान्स सिइअ फरामआव मदिजों फ्रान्सनि हादतगिरि इमानुएल मेक्रनआबो

दंफायोमोन। गाहाड़ मन्थि मदिआबो भारत-फ्रान्सनि गेजेरव बांबोनाय फालांगियारि आरो रंखान्थियारि मदत आरो सोलो-खान्थियारि शेयारिखौ बेनिफ्राय मोन्याय थुलुंगाखौ गयखादों। □

## रंजालि गथ'फोरनि सौरा

### ओंथि गैयै सावगारि

आन्थोरज 'थि सावगारिफोरा आंखौ सोगाबदों बालाबगसे जिउनि जाब्रबथाइफोरजों जुजिनायाव, गोजोन गैयै बुक्लिनि थांखिफोरा लामा ससेआव आन्दायनादों।

गोसोआव सॉलुनि थुबुरजों उसिगलाबदों रंगिना सिमाड थेर-बेथेर बायफलेदों, खैफोदगोनां थासारिया सोलेरजों जुजिनो थांखि दैखादों।

समजों गोरुबना हान्थिनो लानाय लामायाव सहायहयै थिउरिया हान्जानि गाग्लोबनाय, दुंबुद सोलेराव जिलिदनि गावफलनायजों बोहैदों गोजा थैनि निजोरा।

सोदोब गोमाजानाय थासारियाव निखाउरि गोरबोनि रावखौ रावबो खोनासलिया, मिरौ-जिरौ जॉनाय जेवारिनि सोरांजों लामानि बिबायारि जाना जिउखौ दैदेननांवाय।

खोनादों थारोनो खोमसि फेसालियाव नेहाद रावजों सोखारिनाय, थेवब्लाबो दाजाब दानख 'नि साननायफारियाव लान्दां थावनिखौ आबु खालामनो नाजाबायसै।

निजोम बर'  
पश्चिम पानेरि, अदालतगुरि

### दुमब्रुद गोबोनि हां

समनि बोहैथिजों बोहैफाना दखरसे हासि हुसि रुगुडव लोगो हमनो सान्दोंमोन नोंदि बबेहाय सिखामाखो थनि जेबो उदिस गैया नोंखौनो दसेबो बावनो हाया। नोंखौदि जोबोद मोजां मोनो नोंनि महाराजों जेबो अरजाया बि मिथंगाजों होखानाय अहा अहा नागिरो जेब्लाबो गोबोनि थफलायाव लाथुमनाय बाथाफोरखौ बुंनो सानबाय। सानबायना जिगासिबायोसो बिदि दसेनि आंगो जानानै आंगोआनो थोजासे दुखु होयो रावजोंबो फोथाय जालिया सान गावखौनो जावलिया। मोजां मोनाया बिदिसोबा हर थौजासे आन्दु अंखारि जिउखौनो आनजाय हायै बिखौनोल 'सानबाय थानाय बुंफोर हानाय नलिया दां लानोसै दुमब्रुद गोबोनि हां।

हेमन्त स्वर्गीयारी  
गोदान दिल्ली

### नोंनि गांसे लाइजाम

बेसेबा गोबावसैमोन नों आंनि मोजां मोनलायनायनि जिनजि जनाया आंहा जेबोखौनो गोसोआव गैलामोन गारबोनाय बुक्लिनि बै नुथायफोरखौ। नाथाय दिनै हर्खाब गोसोआ बागदावखादों बामब्लेमा सॉफब लायनाय आलमिरा गंसेनि टाला खुलिनायाव हर्खाब नुसन फलानानै नों आंनो हरनाय गोसो थोनायनि गांसे लाइजाम। लाइजामनि खाम सायाव नोंनि मुं नुना दावथोथनो सान्दोंमोन मेगननि नोजोर आनजाय लानो सानदोंमोन आबा गोसोआ बै लाइजामनि आन्दोआव नाथाय हायाखैसै इसेबो जानगार जानो नोंनि थरथिसे अन्नायनि आंखालजों लांदां जानानै थानाय गोरिब गोबोआ। फारनै मेगन रोबैआव दैस्तुलु दैजों सुंथाब -सुंथाब हांजों सोलेरा गोलोमस्त्रावदों अब्लाबो थोथोर -बोथोर मावल्नुनाय आखाइजों आलमारिनि लाइजामखौ खनखानाने मेम 'रिनि सावगारिफोरखौ नायनाय बायदि मोनफा मोनफायै गोसोखौ फोजाखां फेदों गारबोनाय बुक्लिनि नोंजों आंजों बै समनि मोजां मोनजेननायनि बुक्लिफोरखौ।

शचिन्द्र बसुमतारी  
बाक्सा

### मदिनि उां जाहाजआव उतरखारि गाग्लोबनो हुमखि होग्रा सुबुखौ मुम्बाइ पुलिसआ हमबाय



मुम्बाइ, 12 फेब्रुवारि: मुम्बाइ पुलिसआ पिपम मदिनि गुबुन हादत दावबायनाय समाव बिथां गाखोलानाय उरां जाहाजखौ उतरखारि गाग्लोबनो हुमखि होनायखौ लानानै फन कल खालामग्रा सुबुखौ मुम्बाइनि चेम्बुर ओन्सोलनिफ्राय हम्पो। बुधवारखालि मुम्बाइ पुलिसआ बेनि खौरां होयो। नरेन्द्र मदिनि उरां जाहाजखौ बिनि मावख 'आरि गुबुन हादत दावबायनायनि सिगां हुमखि होनायनि उनाव मुम्बाइनि चेम्बुर ओन्सोलनिफ्राय मंगलबारखालि सासे सुबुखौ हम्पो। बेनि खौरांखौ सिरियास लानानै पुलिसआ गुबुन एजेन्सिफोरनो खौरां होनायै नायबिजिनो जागायो। सुलुडाव फोरमायनाय बायदिब्ला, आथिखालाव गाहाड़ मन्थि मदिआ फ्रान्सआव दड आरो दिनें सान्नि थाखाय आमेरिका दावबायनो रावना होयो। मदिआ खोला फ्रान्सनि मासिलेयाव सौहैयो आरो उदांसि सोमावसारया सान्थि थिडि सावरकरनो बिबार बाउवो। बे समाव बिथाड फ्रान्सनि कम्पानीफोरखौ भारतनि जौगाखानायाव बाहागो जानो खावलायो। बिथाड फ्रान्सनि कम्पानीफोरखौ बेयो भारतआव इन्भेस्ट खालामनायनि थि सम होन्ना बुडे। पेरिसआव 14थि 'भारत-फ्रान्स सिइअ फराम' आव मदिजों लोगोसे फ्रान्सनि हादतगिरि इमानुएल मेक्रनआबो बाहागो लायो। मदिआ जाय उरां जाहाजजों दावबायो बेनि मुड एयार इन्डिया वन। □

## बाजेट बानायनाया सिगांनिखुडु सेलेन्स गोनांसिन जाबाय:मन्थि सितारमन

गोदान दिल्ली, 12 फेब्रुवारि: रंखान्थि मन्थि निर्मला सितारमनआ मंगलबारआव लकसभायाव बुडेदि, रंखान्थि बोसोर 2025-26 नि मिरुआरि बाजेटआ माहारियारि जौगाखां गोनांथिफोरनि फान्डआरि गुदिबिथाफोरजों लोगोसे बेलेन्स खालामना लाखिगोन। रंखान्थि मन्थिआ बुंदोंदि, थानाय 10 बोसोराव मुलुगनि दिगआ 180 दिग्री गिदिखनबाय आरो बाजेट बानायनाया सिगांनिफ्रायबो बांसिन सेलेन्स गोनां। खौरनि बायदिब्ला, लकसभाआव मिरुआरि बाजेटखौ लाना



सावरायनायनि फिन्याय होनानै मन्थि सितारमनआ बुडेदि, आमेरिकान डलारनि रुजुनायाव रंनि बेसेना दावख्खायनायनि आन्दोआव माखासे मख 'रारि आरो मुलुगनिबो जाहोन दड: सोनाब एसियायि थासारिया

रासिया-इउक्रेन दावहा आरो मुलुगनां जिडिपिआव दिदोमथि बायदि मुलुगनां खारिफोरनि गोहोमा बे बाजेटआवबो गोर्लैदों। बिथाडा बुंदों, सरकारआ 99 जौखोन्दो दाहारखौ सेभिंसनि थाखाय

बाहायदों, जाय नख 'रारि दिहुन्थायनि 4.3 जौखोन्दो। मिरुआरि बाजेटआव नख 'रारि रंखान्थि बेबस्थानि खाथियाव नुजाथिनाय सेलेन्सफोरखौ नोजोर लाखिदों आरो बेयाव जौगाखानायखौ बांहोनाय, समानिथिखौ जौगाहोनाय, प्राइभेट सेक्टरनि इन्भेस्टआव बांहोनाय आरो सरासनस्त्रा नख 'रफोरनि सान्दांथिखौ नोजोर लाखिनाय बायदि थांखिफोरखौ लाखिदों। कथिड-19 नि उनाव हादतआव सेभिंस आरो राइज्योफोरनो जोन्थोरफोर जगायनाया बांदों। □

## पाकिस्तानआव एमपिफोरा गावसोरनि सेलारिखौ डाबोल खालामबाय



इस्लामाबाद, 12 फेब्रुवारि: पाकिस्तानाव थानो हागौ सरासन्त्रा सुबुंफोरा उखैहाबनायजों जिउ गोमगासिनोदं। नाथाय एमपिफोय बेनि सायाव जेबो नोजोर लाखियाखै। हादतनि एमपिफोय

थानाय मंगलबारखालि मोनसे बिलखौ पास खालामो, जायजों बिबोरनि सेलारिआ 2 गुणनिखुडु बांसिनगोन। सुलुडाव फोरमायनाय बायदिब्ला, पाकिस्तानाव थानाय माखासे दाननिफ्रायनो बेसेन बांनाया

भारतयारि रंखान्थियाव बेयो गासै 1.62 लाख रं जायो। पाकिस्तान मुस्लिम लीग-नवाज एबा पिपमएल-एनजि एमपि रमिना खुर्शीद आलमआ नेशनेल एसेमब्लियाव संसद सोद्रोमा सेलारि आरो एलन्स बिल 2025 खौ दिन्थियो, जाय बिखौ गासै दोलोनि मदतजों पास खालामो। बेजों एमपिफोरनि सेलारियाव 138 जौखोन्दो बांगोन। बेनि सिगांनेशनेल एसेमब्लिनि रंखान्थि कर्मिटाआ 26 जानुवारीयाव आफादगिरि अपास सादिकनि दैदेन्नायाव जानाय जथुम्मायाव बे बिलखौ गनायथि होयो। □

भारतयारि रंखान्थियाव बेयो गासै 1.62 लाख रं जायो। पाकिस्तान मुस्लिम लीग-नवाज एबा पिपमएल-एनजि एमपि रमिना खुर्शीद आलमआ नेशनेल एसेमब्लियाव संसद सोद्रोमा सेलारि आरो एलन्स बिल 2025 खौ दिन्थियो, जाय बिखौ गासै दोलोनि मदतजों पास खालामो। बेजों एमपिफोरनि सेलारियाव 138 जौखोन्दो बांगोन। बेनि सिगांनेशनेल एसेमब्लिनि रंखान्थि कर्मिटाआ 26 जानुवारीयाव आफादगिरि अपास सादिकनि दैदेन्नायाव जानाय जथुम्मायाव बे बिलखौ गनायथि होयो। □

## गवाहाटीआव पाइप जोथोन लानायनि थाखाय दै रानसाथाइखौ दोन्थ 'दों

गुवाहाटी, 12 फेब्रुवारि: गुवाहाटी मेट्रपलिटान डिक्लिं वाटार एन्ड सिभारेस बर्ड (जिएमडब्लिउ एन्ड एसबि) गुवाहाटीआ आसामाव क्लियार वाटार पाम्पिं मैन पाइपलाइननि रबटिक सार्भेनि सुबिधानि थाखाय दै जगायनायखौ अरयथा नडै दोन्थ 'नायनि थांखि फोसावो। सार्भेनि थांखिया पाइपलाइनआव लोरबां एबा जेनाफोर जानाय बाहागोखौ सिनायथिनाय आरो बेखौ फोसावनाय, जाहाथे इयुनाव बांसिनै गोगो दै जमायनाय राहाखौ रोखा खालामनो हायो।



बेहाबाफारिया मोन 3 खोलोबाव जागोन। गिबियावनो 12-15 फेब्रुवारि, नैथियाव 19-22 फेब्रुवारि आरो जोबथारनायाव 25-28 फेब्रुवारिसिम सोलिगोन। बे सानफोराव पाइपलाइननि जेनाफोरखौ

संदान्नो आरो बेखौ मोजां खालामनो थाखाय जौगाखां रबटिक टेक्निकखौ बाहायनाय जागोन, जायजों इयुनाव टेक्निकनि जेना नुजाथिनायखौ होबथानो हायो आरो गुवाहाटीनि दै जगायनाय नेटवर्कनि गासै

हाबायाव साबसांहोनाय जागोन। गुवाहाटी दै बर्डआ नुजाथिनाय असुबिधानि थाखाय निमाहा बिदों आरो थागिबिफोरखौ मदत होनो खावलायदों। बिबोरखौ दै साप्लाइया बन्द' थानाय समाव गावसिनि गोनांति जानाय दैखौ सिगाडावनो दोन्थुमना लानोबो बोसोन होखानाय जादों। बेजों लोगोसेनो जायथि जाया दैन जेनानि थाखाय गुवाहाटी दै बर्डआ 6003920846 आरो 6002478266 नम्बरआव फोनांजाब खालामनोबो बोसोन होदों। □

## सिक्किमनि गिबि मन्थिया किरेन रिजिजुजों लोगो हमदों

गेंटक, 12 फेब्रुवारि: सिक्किमनि गिबि मन्थि प्रेम सिंह तामांआ दिल्लीआव गावनि थाग्रा न'आव मिरुयारि मन्थि किरेन रिजिजुजों गुवारै सावरायलायदों। जथुम्माखौ फ्रेन्डलि आरो इनपर्मैटिथ

होन्नानै मिबथि होनाय जादों। दावबायनायनि गेजेरजों तामांआ रिजिजुखौ गावनि गोसो गोरबोनिफ्राय गाहाम हामब्लाइथि होदों, जाहाथे सिक्किम सरकार आरो मिरुनि दैदेन्नायनि गेजेराव गोथौ सोमोन्दोआ सोलिलांबाय



थायो। बिथांआ रिजिजुनि दैदेन्नायखौ बाख्नायदों आरो राइज्योआव जौगानाय अ । य द । ख । ष । आवगायलांहोनायाव बिथांनि हेफाजाब होनायनि थाखाय गाहाम हामब्लाइथि होयो। जोंनि सावरायलायनाया

बिथांनि दैदेन्नायनि फारसे आंनि गोसोखौ बाख्नायनायनि मोनसे मख 'जाथाव खाबु होयो। आं सिक्किमनि जौगाखानायनि थाखाय बिबोरनि मदत होनायखौ साबायखर बाउयो। □



## ट्रम्पआ स्टील-एल्युमिनियामनि सायाव 25 जौखोन्दो टेरिफ जाबसिन्दों

वाशिंग्टन, 12 फेब्रुवारी: आमेरिकानि हादतगिरि डनाल्ड ट्रम्पआ थांनाय समबारखालि स्टील आरो एल्युमिनियामखौ गुबुन हादतनिफ्राय लाबोनायनि सायाव जेबो रेहाय होया जासे टेरिफखौ बांहोनानै 25 जौखोन्दो खालामनो फोसावयो। बेजों आमेरिकानि उद्यगफोरा मुलुगयारि बादायनायनिफ्राय रेहाय मोनगोन। आधिखालाव बिथांनि बे थांखिजों मोनसे गोदान ट्रेड वार जागायनायनि अलखदआ बांदों। इउपिय संघ (इउ) आ बेनि फिन्नाय होनाय जागोन होना बुडे। लोगोसे बेनि थाखाय गोखों थांखि लानायनिबो बाश्रा बुडे। नाथाय कानाडाआ बे टेरिफखौ आबुडै इनाय जादों होना फोरमायो। आमेरिकानि



हादतगिरिया स्टील आरो एल्युमिनियामनि सायाव चेरिफ लागायनायनि सोमोन्दै बिथोनाव मुंसायो। बे बिथोनाव रेहायखौ फोजोबनायनिबो नेम-खांथि दड। ट्रम्पनि बे थांखिजों कानाडा, ब्राजिल, मेक्सिक, खोला करिया आरो गुबुन हादतगिरिफ्राय लाबोना गोंनां लाख-लाख टन स्टील आरो एल्युमिनियामनि सायाव टेरिफ लागायनाय जागोन। सिगाडव

बे हादतगिरि आमेरिकानि टेक्स फ्रि थाखोआव दडमोन। बिथाड स्टीलनि सायाव टेरिफआव रेहाय होना थाखाय एस्ट्रेलियानि खावलायनायनि सायाव सावरायगोन। मानोना आमेरिकजों लोगोसे फालागिरियारि रादाय दड। व्हाइट हाउसनि सासे बिबानगिरिनि बायदिव्ला, बे नेम-खांथिया 4 मार्चनिफ्राय गोहोम गोग्लैगोन।

## दिल्ली-प्रयागराज थांनाय लन्डनसिम थांनायनिफ्राय बेसेन गोसासिन जाबाय होना राइज्यो सभायाव सोंथि खालामदों

गोदान दिल्ली, 12 फेब्रुवारी: उं कम्पानीफोर फोर्बोनि समाव गावनि टिकेटनि बेसेनखौ बांहोनायखौ जों जेबलाबो नुनो मोनो। बे समावने बिबिन्दो जादों, मानोना प्रयागराजआव महाकुम्भ मेला सोलिगासिनो दड। मख 'जाथावदि, लन्डननि इन्टरनेसनेल फ्लाइटनि बेसेनआ प्रयागराज महाकुम्भआव थांनायनिखुडबो बेसेन खमसिन। आधिखालाव दिल्ली-प्रयागराजनि उरां टिकेटनि बेसेनआ 13,000-80,000 सिम सौहदों। बेयो लन्डननि सासे सुबुंनि उरां टिकेटनि बेसेननिखुडबो बांसिन, जाय 31,342 रां। सरासन्हा सानफोरव दिल्ली-प्रयागराजनि उरां टिकेटआ 3,000-5,000 रां खरसा जायोमोन। नाथाय आधिखालाव बेनि बेसेनआ



गोर्बाथार बांदों। बिबिन्दो हादरनि गुबुन गाहाइ सहर एबा नोगोरफोरनि जैरे चेन्नाइ, मुम्बाइ, कलकाता आरो बंगालुरुआवबो बे समाव उरांनि टिकेटआ प्रयागराजसिमआव 18,000-41,016 रांसिम बांदों। उरांनि

टिकेट बेसेनआ बांनय आयदाया समबारखालि राइज्यो सभाआव देखांजादों आरो सोद्रोमाफोर बेखौ गुबुन सानफोराव लन्डनसिम थांनो हानाय टिकेटनि बेसेनजों रुजुदों। कंग्रेसनि एमपि प्रमद तिवारीआ

सोंथि सौनाय घन्त्याव बुंदोंदि, लन्डननि टिकेटखौ 24,000 राडावनो मोनो, नाथाय चेन्नाइनिफ्राय प्रयागराजसिमनि टिकेटआ 53,000 रांनि बांसिन आरो बंगालुरुनिफ्राय 51,000 रां। बेखौ होबथानायनि थाखाय

मा खालामदों होनानैबो बिथाड सोंथि खालामदों। बुंथिगिरि जगदिप धनखडुआ नोगोरारि उरां जाहाज मन्थि राममहन नायडुआ फिन्नाय होनायनि सिगां बेयो प्रयागराजनि गोनांथि एबा भेलुखौ दिन्थियो। कुम्भनि आधिखालनि सम एबा लगनआ 144 बोसोर उनाव फैदों। मौनी अमाबैश्या स्नानआ 29 जानुवारी, बसन्त पन्चमीआ 3 फेब्रुवारी, मागो पुर्णिमाआ 12 फेब्रुवारी आरो फेगौ 26 फेब्रुवारी बादि मख 'जाथाव सानफोरव थार एबा बेसेन बांनयखौ नुनो मोन्दों। माखासे मख 'जाथाव सम एबा सानआ थांखांवाय, नाथाय महाशिवरात्रीआ दंबावो।

## बेलुचिस्तानआव सानै सुबुंफोरखौ गावथारदों



कराचि, 12 फेब्रुवारी: पाकिस्ताननि बेलुचिस्तानआव ओन्सोलनि किच जिल्लानि तुरबन्त ओन्सोलाव सानै हिन्दु सुबुंफोरखौ गावथारदों। सन्देह खालामजाथाव उतखारिफोरनि गाग्लोबनायाव गुबुन सासे नोगोरारिआ जोखोम जादों। पाकिस्तान पुलिसआ बे बाश्रानि खौरं होनानै बुंदोंदि, हरिलाल आरो मलिलाल मुंनि सानै हिन्दुफोरखौ समबारखालि बेलासिआव गावथारदों आरो गुबुन सासे हिन्दु शेलमलआ जोखोम जादों। बेनि अनगायै अरसलआव खकरआ फोरमायदोंदि, सानै हाथियार लानाय दुर्थाफोर बाइजोआव

फैयो आरो बाजारनि खाथियाव थानाय गंसे न'नि बाइजोआव सात्रे सुबुंफोरखौ पाइरि खालामो। बे गाग्लोबनायखौ दासिमआव रावबो उतखारि आफादआ बिबान लायाखै। गुबुन सासे पुलिस बिबानगिरिआ फोरमायदोंदि, जिउ गोमानाय सा 3 सुबुंफोर फालागिरि। बेलुचिस्ताननि गिबि मन्थि सरफराज बुगतीआ बे जाथायखौ सोंखारिदों। इटलीनि पलेर्मआव मंगलबारखालि सिंसिलिनि माफियानि हेंथायै गोबां अन्जिमानि सिग्रोमनायाव सा 130 सुबुंफोरखौ हमनाय जायो। पलेर्म आरो बेनि खाथि-खालायाव थानाय माफिया सडिकेट कसा नस्ट्राआ थांनाय जौथायनि 9 थि आरो जोबथा जौथायाव दोहौ सोमजिहोदोंमोन। केराबिनिएरी पुलिसआ बुडोदि, थांनाय मंगलबारखालि हमजानाय सन्देह खालामथावफोरनि सायाव गुबुन गुबुन दाय जाबसिनो, जेराव फेग्रा बेसादफोरनि स्मग्लिं खालामनाय, बुथारनो नाजानाया दंफायो। सा 33 सन्देह खालामथावफोरनि हेंथायै हमनायनि वारेन्ट फोसावनाय जायो। इटलीनि गाहाइ मन्थि जियर्जिया मेलनीआ एक्सआव पस्ट खालामनायै सिलिनि माफियानि हेंथायै नायबिजिरनायखौ बाख्नायदों।

## एनबिसिसिआ 3,217 कौटि रांनि फ्लेट फान्दों

गोदान दिल्ली, 12 फेब्रुवारी: सरकारि कन्सट्रक्सन कम्पानी एनबिसिसिआ ग्रेटार नएडयाव मोनसे गोदान प्रजेक्टआव इ-अक्सननि गेजेरजों 1233 फ्लेट फान्दों। कम्पानीआ बे फ्लेटफोरखौ गासै 3217 कौटि रांआव फान्दों। एनबिसिसिनि थाखाय बेयो मोनसे गिदिर जाफुंसारनाय, बेजों लोगोसेनो बे कम्पानीआ खहा जानांनय आम्रपाली गुपनि थाबथाना थांनाय प्रजेक्टसखौ फुरा खालामनायाव मदत मोनगोन। सुप्रिम कर्टनि बिथोनि बायदिव्ला, एनबिसिसिनि गेजेरजों आम्रपालीनि थाबथानानै थांनाय प्रजेक्टसखौ आबुं खालामनो थाखाय 'आम्रपाली स्टाल्ड प्रजेक्टस इन्भेस्टमेन्ट्स रिक्न्सट्रक्सन एस्टेब्लिशमेन्ट' खौ दानाय जादों। पाब्लिक



सेक्टरनि कम्पानी एनबिसिसिखौ 38,000 फ्लेट फुरा खालामनो आरो बेखौ न' बायग्राफोरनो गथायना होनो बुंहरनाय जादों। एनबिसिसिआ मंगलबारव फोसावनाय मोनसे फिन्नायाव बुडोदि, बेयो इ-अक्सननि गेजेरजों एस्यायार गल्फ हम्सआव 1233 फ्लेटखौ फानो।

बेजों लोब्बा गोनां टेक्सफोरखौ गारानानै गासै 3216.95 कौटि रांनि फान्नाय बेसेन मोनो हादों। प्रजेक्ट एस्यायार गल्फ हम्सआव 11 टवारआव गासै 1509 फ्लेट दड। एनबिसिसिआ बेनि सिगां 274 फ्लेट फान्दोंमोन। इ-अक्सनाव गोखों हाबाफारि नुनो मोन्दों। न' बायग्राफोर बुंथिनय

हानाया थाबथाना थांनाय आम्रपाली बिथांखिफोरखौ फुरा खालामनायाव हेफाजाव गोनां जागोन आरो माखासे न' बायग्राफोरनि आंगो न' लानायनि सिमाखौ फुरा खालामगोन। मख 'जाथावदि, मंगलबारखालि शेयार बाजारव गिदिर दावखलायनाय नुनो मोन्दोंमोन। बेयाव एनबिसिसिनि सेयारफोरवबो गिदिर खहा थिसन्तो मोन्दों। मंगलबाराव एनबिसिसिनि सेयारआ बिएसडआव 4.94 रां (5.47 जौखोन्दो) दावखलायनायजों 85.33 रांआव बन्द' जादोंमोन। एनबिसिसिनि शेयारफोरनि 52 वीक हारआ 139.90 रां आरो 52 वीक ल' 70.14 रां। कम्पानीनि आधिखालनि मार्केट केपआ 23,039.10 कौटि रां।

## मुलुगनि दर 180 हादतफोरा गेना-खांथि खालामग्रा महैर थिसनजादों:रिपर्ट

गोदान दिल्ली, 12 फेब्रुवारी: मुलुगनि बबे हादतआ बेसेबां गेना-खांथि गोनां बेखौ लानानै काराषान परशेषान इन्डेक्स 2024 आ मंगलबारव गावनि फारिलाइखौ फोसावो। बे फारिलाइयाव गासै दर 180 हादतफोरनि मुं दं, बे फारिलाइयाव भारतआ 96 नाम्बाराव दं। भारतआ 2023 आव 93 नाम्बाराव दंमोन। भारतनि न'सुंसे हादतफोरनि गेजेराव पाकिस्ताना 135 नाम्बाराव आरो श्रीलंकाया 7 नाम्बाराव दं। फारसेथिं बांलादेशआ 149 आरो चीनआ 76 थि नाम्बाराव दं। डेनमार्कआ बयनिखुडबो खमसिन गेना-खांथि गोनां हादतनि फारिलाइयाव बयनिखुडबो जौसिनाव दं। बेनि उनाव फिनलेन्ड आरो सिंगापुर दं। इन्डेक्सनि बायदिव्ला, जिर'नि ओंथिया गोखों गेना-खांथि आरो 100 नि ओंथिया जोबोद साखोन-सिखोन एबा गेना-खांथि गैयै। बेखौ बिथा खालामनानै 2024 आव भारतनि स्करआ 38 मोन आरो बेयो 2023 आव 39 आरो 2022 आव 40 मोन। दरफोमबो हादतनि स्करआ मोन 13 गुबुन-गुबुन गेना-खांथि सार्भेफोर आरो नायबिजिरनायनिफ्राय मोन्नाय खमैबो मोन 3 डाटाफोरनिफ्राय लानाय जादों। बे सर्सखौ वर्ल्ड बँक आरो मुलुगनि रांखांथि



जौस्रांजों लोगोसे गुबुन-गुबुन मुंदांखा फसंथानफोरनि गेजेरजों बुधुमनाय जायो। सिबिआइनि सान्नाय हाबाफारिनि नेम-खांथियारि महैर नायबिजिरनाय जायो।

## जोबथेना लाखिनायफोरखौ हगाराब्ला गाजायाव दावहा जागायफिन्वो हागौ

जेरुजालेम, 12 फेब्रुवारी: इजराइल आरो हामासनि गेजेयव फिन खेबसेबाव दावहा जागायबावनो हागौ। हादतगिरि डनाल्ड ट्रम्पनि सांग्रांथि होनायनि उनाव आधिखालाव पिएम नेतन्याहुआ मंगलबारखालि हुमखि होयोदि, जुदि बे सप्ताहनि जोबनायाव रावबो



जोबथेना लाखिनायफोरखौ हगाराब्ला गाजायाव गिखंथाव जावहाया जागायबावगोन। हामासनि जोबथा लाखिनायफोरखौ हगारैनि जाहोनाव दावहा दोन्थ 'नाय रादायखौ जेंना गोनां खालामना होदों। इजराइलनि गाहाइ मन्थि बेन्जामिन नेतन्याहुआ बुडोदि, जुदि हामासा शनिबार सानजौफु सिमवा जोबथेना लाखिनायफोरखौ

गावहा दोन्थ 'नाय रादायाव जेंनाया बांदों, जायजों बेनिफ्राय रैखा मोन्नो थाखाय सोलोखांथियारि नाजानायखौ गोखों खालामो। आमेरिकानि हादतगिरि डनाल्ड ट्रम्पआ

गाजायाव जोबथेना लाखिनाय सुबुंफोरखौ लानानै हामासनो आल्टीमेटम होयो। नाथाय हामासा ट्रम्पनि सांग्रांथि होनायखौ नेवसिगारनानै जेब्ला गासै बाहागोया दावहा दोन्थ 'नायखौ सन्मान होगोन अब्लासो जर'खा जोबथेना लाखिनायफोरखौ हगारागोन होना बुडे। बेनि सिगां हामासा इजराइलनि सायाव दावहा दोन्थ 'नाय रादायखौ सिफायनायनि दाय जाबसिन्ना जोबथेना लाखिनायफोरखौ हगारनायाव गोबाव जागोन।

## मेटाआ भारतआव उन्दैफोरनि इनस्टा एकाउन्ट बाहायनायनि गोदान फिसार फोसावदों

गोदान दिल्ली, 11 फेब्रुवारी: भारतआव इनस्टाग्राम बाहायग्रा बैसो जायै गथ 'साफोरनि सायाव बिसोरनि बिमा-बिफाफोरा नोजोर लाखिनो हासिगोन। फेसबुक आरो इनस्टाग्राम बायदि इन्टरनेट मिडिया प्लेटफर्मखौ सालायग्रा कम्पानी मेटाआ मेटानि इनस्टाग्राम टीन एकाउन्टसनि राहाखौ भारतआवबो जागायनो मंगलबारखालि फोसावो। बे फिसारखौ जर'खायै गथ 'साफोरनि थाखाय बाहायनाय जादों। बेजों खहा गोनां कन्टेन्ट आरो आनवान्डे मेसेजिं बायदि जेंनाफोरखौ होबथानाय जागोन। टीन एकाउन्टआ अटमेंटिकेली हाइ सेफिट सेटिंसआव थागोन। बेयाव प्राइभेसि सेटिंखौ



बांहोनायजों लोगोसे बिमा-बिफाआ बांसिनै नोजोर लाखिनो हानाय जागोन। बिसोरो गावनि गथ 'फोरनि एकाउन्टआव नोजोर लाखिनो हागोन। मेटाआ बुंदोंदि, बेयो बैसोरखौ रोखा खालामग्रा राहाफोरखौबो नोजोर होनाय जादों। बे आसाखौ नोजोर होनानै माखासे इउजारफोरा गाव-गावनि बैसोखौ बारायनानै खिन्थानो हागौ, बेनिखायनो नंखाय

बैसोरखौ फोरमायोब्ला उफ्रायै भेरिफिकेसननि गोनांथि जायो। थांनाय दानआव भारत सरकारआ डिजिटेल पारसनेल डाटा सेफिट एन्टनि थांखि फोसावदोंमोन। बेयाव अनलाइन एबा इन्टरनेट मिडिया प्लेटफर्मआव नाबालिक इउजार एकाउन्ट खालामनायनि थाखाय बिमा-बिफानि गनायथिखौ गोनां खालामनायनि बिथांखि दड।

## मणिपुरआव पिआरपिएके-पिनि सानै केदारखौ जर-जुलुमै रां लानायनि थाखाय ग्रेटार खालामदों

गुवाहाटी, 12 फेब्रुवारी: मणिपुर पुलिसनि एन्टी-एक्सटर्शन इउनिटआ थांनाय मंगलबारखालि होबथाजानाय पिपुल्स रिभल्युशनारी पार्टी अफ कालेइपाक-एग्रेसिब (पिआइपिके-पि) नि सानै केदारफोरखौ ग्रेटार खालामो। बे अपारेशनआ सोनाब इम्फल जिल्लानि खुमन लमपक गाहाइ स्टेडियामनि खाथियाव आरो बनि सिडाव जायो। ग्रेटार खालामजानाय सुबुंफोरखौ अशेम दिनेश मेइतेइ (41) आरो हुइन्दम टन्बा सिंह (36) मुडै सिनायथि होदों, जायफोरा जरजुलुमै रां लानाय हाबाफारियाव लोब्बा दंमोन। पुलिसआ सरासन्हा



सुबुंफोरनिफ्राय जरजुलुमै बोखांनय 9,260 रांजों लोगोसे दायनिगिरि फोरमानलाइ आरो डिडिटेल मुवा-बेसाद बोखांदों। बोखांनो हानाय बेसादफोराव गंभ्र मबाइल हेन्डसेट, गंसे साखा खबत्रै गारि, 9,260 नोगोद रां गांसे सिनायथि बिलाइ, गांसे साइड

बेग आरो पिआरपिएकेनि गांसे फोरमान बिलाइ दंफायोमोन। ग्रेटार खालामजानाय सुबुंफोर आरो जब्द' खालामनाय मुवा बेसादखौ नायबिजिरनो थाखाय सोमोन्दो गोनां पुलिस स्टेशननो गथायना होनाय जाबाय होना सुलुडाव फोरमायदों।



## राइज्योनि दाब-दाब ओन्सोलजों लोगोसे चिरानि बासुगाव, कक्राझारनि श्रीरामपुर आरो बाक्सानि निमुवाआव चिलारायनि जोनोम सान फालिदों

बड'सा थान्दै, बासुगाव/ श्रीरामपुर/भवानिपुर, 12 फेब्रुवारी: चिरां जिल्लानि बासुगावआवबो महाबीर चिलारायनि 515थि जोनोम सान फालिनाय जादों। चिरां जिल्ला कच राजबंसि फरायसा आफादनि बान्जायनायाव आरो बासुगाव आन्सलिक आक्रासुनि हेफाजाबाव खुंनाय हाबाफारि बायदियै दिनें फुंभिलियाव महाबीर चिलारायनि मुसुखायाव बिबार बाउनाय जायो। बेनि उनाव बासुगाव थाना



सारिआलियाव थानाय चिलारायनि मुसुखायाव बेलासि समाव बाति फोजोनानै हाबाफारिखौ फोजोबनाय जायो। बातिखौ फोजोनानै हाबाफारिखौ जागयो बासुगाव हाइयार सेकेन्डारि बाराग'

लेडइ गोरयुं अमृत पाठगिरिआ। कक्राझार जिल्लानि आसाम-सोनाब बंग सिमनानि श्रीरामपुर श्यामागुरि गेलेग्रा फोथाराव दिनें सानसेनि हाबाफारिखौ 515थि बीर चिलाराय सान फालिनाय जायो।

आक्रासुनि सोनाब कक्राझार जिल्ला आरो श्रीरामपुर-जारगुरि आफादनि हेफाजाबाव खुंनाय हाबाफारि बादिदै फुंभिलि समाव फिरफिला बिरहोनाय चिलारायनि मुसुखायाव बिबार बाउनाय, मुंख्खंफोरनो मान बाउनाय आरो बिफां गायनाय हाबाफारि खुंनाय जायो। हाबाफारियाव बाहागो लानानै आक्रासुनि गाहाइ नेहाथारि

सनाथर रायआ खोरं बिजोनि सिगाडव बिजेपि दैदेनाय मिरु आरो राइज्यो सरकारनि हेँथायै खुद्रिखाडो। बिथाडा बीर चिलारायनि फोलेरफोर राजबंसि हारिखौ बिजेपि सरकारआ खेबले-खेबले फोथायखेबस' खालामदों होन्नानै मोन्थायनि थाखाय सोमावसारलानां गोन होन्नानै बुडो। हाबाफारियाव केएलअनि आगु सान्थि गाहाइ धनन्जय बर्मनआ बाहागो लायो। बे रोखोमैनो बाक्सानि निमुवाआवबो बीर चिलारायनि 515थि जोनोम सानखौ बायदिसिना हाबाफारिनि गेजेरजों खुंनाय जायो होन्नानै मिबथिनो मोन्नाय जादों।

## बरिमाखा आलारि गोजौ फरायसालियाव खाना फोथायनायनि सायाव सांग्रांथि सावराय मेल खुदों



बड'सा थान्दै/मुसलपुर, 12 फेब्रुवारी: बाक्सानि जिल्ला बरिमाखा हालामनि बेन्दोआव थानाय आलारि गोजौ फरायसालियाव दिनें 12 फेब्रुवारी बुधवार सानखालि खाना फोथायनायनि सायाव मोनसे सांग्रांथि सावराय मेल जानानै थाडो। आर्यभट्ट बिगियान

मिरु, बर्मा ब्लकजों खुंजानाय आरो आसाम बिगियान, बिरोंदामिन आरो आबहावा गौथुमजों मदद होजानाय बे सांग्रांथि सावराय जथुम्माखौ आलारि गोजौ फरायसालिनि गाहाइ फोरोंगिरि प्रमिला बसुमतारिनि मासि लानानै दैदेनाय बे सावराय मेलआव

गाहाइ आलासि महरै बाहागो लायो बरमा कलेजनि बिबुंगोरा जयन्त दासआ। बे सांग्रांथि सावराय मेलआव गाहाइ आलासि महरै बाहागो लानानै बिथाड "खाना फोथायनायनि बेरेखायै फोसावनाय फे जों गात्रि समाजारि गोहोफोरखौ फोजोबनि" बे आयदादिनि सायाव गुवारै बिबुंथि लाखियो। बे हाबाफारियाव आर्यभट्ट बिगियान मिरुनि नेहाथारि गौतम चन्द्र बर्मनआ खौरां बिजोनि सिगाडव फोरमायनानै बुंथियोदि, आथिखाल जौगानाय मुगायावबो गोबां खायसे ओन्सोलफोराव गोथे फोथायनाय खोमसि फोथायनाय बेयो सोलगासिनो दं। बेफोर गोथे फोथायनाय आरो खोमसि फोथायनायखौ गैया खालामनायनि थांखिजोंनो बे सावरायनाय हाबाफारिखौ लानाय जादों होन्नानै बुंथियो। बे हाबाफारियाव आर्यभट्ट बिगियान मिरुनि क-अडिनेटर कुमार बर्मनजों लोगोसे आलारि फरायसालिनि फोरोंगिरि फरायसा आरो जौथोनगिरिफोरखोबो बाहागो लानाय नुनो मोनो।

## तामुलपुरनि सिमलुबारियाव खुंगा 515थि बिर सिलाराय दिवस फालिदों



बड'सा थान्दै/12 फेब्रुवारी: आसाम राइजो नाडैनो गुबुन गुबुन ओन्सोलफोराव फालिनाय बायदि तामुलपुर जिल्लायावबो तामुलपुर जिल्ला बिजेपिआ दिनें दरंगाजुलि बियाबनि सिडव थानाय सिमलुबारियाव खुंगा 515थि बिर सिलाराय दिवस फालिनाय जायो। तामुलपुर जिल्लानि सिमलुबारि सिलाराय संघ'नि हेफाजाबाव तामुलपुर जिल्ला बिजेपिनि बान्जायनायाव खुंजानाय बिस्व महाबिर सिलाराय दिवसनि हाबाफारियाव फुंनि समाव फिरफिला दैखाडो सिलाराय दिवसनि आफादगिरि गुनधर बरमना। राजबंसि हारिनि फिरफालाखौ बिरहोयो सिलाराय संघ'नि बाराग' आफादगिरि बिसेस्वर राजबंसिआ। बिर सिलारायनि सावगारियाव बिबार बावो समाज सिबियारि उकिल बर्मना। मुंख्खांफोरनिमिम बिबार बावो तामुलपुर जिल्ला बिजेपिनि आफादगारि भिक्टर दासआ। बेनि उनावनो तामुलपुर जिल्ला बिजेपिनि गाहाइ नेहाथारि राजेस बर'नि सामलायनाय गेवलां मेलआव दरंगाजुलि बियाबनि एमसिएलए बिजित गोरु नाज्जि, तामुलपुर जिल्ला बिजेपिनि आफादगिरि भिक्टर दास, लेडइ आफादगिरि बासुदेव उपाध्याय, जिनाराम बर' आरो ओन्सोलनि गोबां दैदेनगिरि बिथामोना बाहागो लाना हाबाफारिखौ मेहेरगोनां खालामो।

## सरकारि बिथांखिफोरनि सायाव साहा बागानाव खामानि मावग्राफोरखौ लानानै सांग्रांथि हाबाफारि लादों

बिनय नार्जिनारि/सोनाब बंग, 12 फेब्रुवारी: सोनाब बंगनि डुवार्सनि बांसिन ओन्सोलआ साहा बागानफोरजों बेंखनजानाय। सोनाब बंग सरकारआ खामानि मावग्रा नख'रफोरनो खामानि मावग्राफोरनि समाजारि-रांखांथियारि थाखोखौ जौगाहोनो थाखाय हा पाट्टा होनाय, चा सुन्दरी मावथांखिनि सिडव न' लुनाय बायदि गोबां जौगालु बिथांखिफोर होखाबाय। सोनाब बंग सरकारआ मावफारियाफोरनि नख'रनि सोद्रोमाफोरनि समाजारि रेखांथिखौ रोखा खालामनो सिगाबोदों। सोनाब बंग सरकारनि गिबि मन्थि ममतता बेनाजीआ सोनाब बेंगल भवन, गुबुन लुनाय खामानि मावग्रा अनसाइ बर्ड, लेवार बिफाननिफ्रा थुलुंगा मोन्नानै मेटेली ब्लकनि थिंगदंग गामि पन्चायत मावख'नि मोखाडव साहा बागान ओन्सोलफोराव बेसेन नाडै समाजारि रेखांथि बिथांखिफोर होनो थाखाय लुनाय खामानि मावग्राफोरनि थाखाय मोनसे जर्'खा फोसावनाय खुंजानाय जादोंमोन। बे बादारखौ मालबाजार लेडइ लेवार कमिसनारनि नाजानाय खुंनाय जादोंमोन। थिंगदं, चुलशा, जुराति, नागाइसुरी, सामसि, चाओलनि, मेटेली साहा बागान ओन्सोलफोरनि मावसाफोरनि नख'रनि थाखाय 18 बोसोरनि बांसिन आरो 60 बोसोरनि बाडइ बैसोनि लुनाय खामानि मावग्राफोरनि थाखाय जर्'खा बाद, जाय बागान गायनायाव लोब्बा गैया आरो बिथा खामानि मावग्रा महरै खामानि मावो। बे बिथांखिनि सिडव मुं थिसननायनि उनाव दजि बोसोर बैसोनि होनना फोरमायनाय जादों। बेखौ मिबथिनो मोननाय जादोंदि, बिथांखिनि मुं थिसननायनि उनाव, 60 बोसोर बैसोआव पेन्सन खोथा होनायनि अनगाथैबो, सरकारि ग्राण्डखौ दानफ्रोमबो मावफारियाफोरनि पीएफ एकाउन्टआव जमा खालामनाय जागोन, 60 बोसोर बैसोनि सिगां सासे मावफारियानि मिथिंगायारि जिउ गोमायोब्ला मुं साइख'जानाय सुबुनो 50,000 रां होनाय जागोन आरो जाब्रबथायाव जिउ गोमायोब्ला 2 लाख रां होनाय जागोन। बेखौबो मिबथिनो मोननाय जादोंदि, मावफारियाफोरा रेबथुमनो थाखाय 1,200 सान गथायदों। बे बिथिखडव, मालबाजार ओन्सोलारि लेवार कमिसनार सुभ्रज्योति सरकारआ बुंदों, "सोनाब बंग सरकारनि लेवार बिफानआ साहा बेल्डनि मावदांसाफोरनि नख'रखौ समाजारि रेखांथि होनो थाखाय थियारि आरो बे थांखिनि थाखाय, जों बै मावदांसा नख'रफोरनि मावथिफोरखौ थुलुंगा होगासिनो दं, जाय 18 बोसोर बैसोनि उनाव बेबादि मोनफ्रोमबो साहा बागानाव जर्'खा बाद खुंनानै बिथा मावदांसा एवा समाजारि रेखांथिनि सिडव गुबुन साखिफोराव नांथाबना दं। जों खामानि मावग्रा नख'रफोरनि समाजारि-रांखांथियारि जौगाथायनि थाखाय खामानि मावगासिनो दं। जलपाइगुरि जिल्ला परिषदनि सोद्रोमा स्नेहस्मिता कलान्डीआ बुंदोंदि, सोनाब बंग सरकारनि लेवार बिफानआ मावसाफोरनि खामानिनि मोनसे बिदिन्थि, दिनेनि बादाया मावसाफोरनि खामानिनि मोनसे बिदिन्थि, जाय मावसाफोरनि नख'रफोरनि समाजारि-रांखांथियारि जौगानाय मदद होगोन, आरो सोनाब बंग सरकारनि हाबाफारि आरो मालबाजारनि लेवार कमिसनार सुभ्रज्योति सरकारखौ साबायखर बावदों। मेटेली लेवार इन्स्पेक्टर बिभास मन्दलआ दिनेनि बादायाव जाफुंसारनायनि थाखाय बयखौबो साबायखर बावदों। लोगो लेवार कमिसनार सुभ्रज्योति सरकार, जलपाइगुडि जिल्ला परिषदनि सोद्रोमा स्नेहस्मिता कलान्डी, मेटेली इन्स्पेक्टर बिभास मन्दल, मालबाजार लेवार इन्स्पेक्टर बिबुल कर्मकार, इन्डग्राम पन्चायतनि गाहाइ शिबशंकर दास, मेटेली हाट ग्राम पन्चायतनि गाहाइ अलका नाइक, सी, के, को अभिनव भट्टाचार्य आरो गुबुन सुबुंफोरा बादायाव दंमोन। बादानि सोरगिदि मावग्राफोरनि गेजेराव गोबां थुलुंगानाय दंमोन।

## दुलाराय राभा फरायसा आफादनि 45थि गायसन्थाइ सान आरो उदालगुरि जिल्ला राभा फरायसा आरो आइजो आफादनि नै बोसोरारि जथुम्मा खुदों

उदालगुरि, 12 फेब्रुवारी: दुलाराय राभा फरायसा आफादनि 45थि गायसन्थाइ सान आरो उदालगुरि जिल्ला राभा फरायसा आफादनि 18थि आरो राभा आइजो आफादनि 16थि नै बोसोरारि जुथाय जथुम्मा, उदालगुरि ओन्सोलारि राभा फरायसा आफादनि 17थि आरो राभा आइजो आफादनि 15थि नै बोसोरारि जुथाय जथुम्माखौ उदालगुरि तामलबारिनि गौरि कान्त राभा फोथाराव 11 फेब्रुवारीनिफ्राय सानैनि मेहेर गोनां हाबाफारिजों खुंनाय जादों। 11 फेब्रुवारीनि उनाव दिनें 12 फेब्रुवारीआव फुंभिलि 9:00 बाजियाव आरसुनि मिरु आफादगिरि मतिलाल राभा, उदालगुरि जिल्लानि आफादगिरि मन्तु राभा, एआरडब्लिउसिनि उदालगुरि जिल्लानि आफादगिरिजो सरला राभा, उदालगुरि ओन्सोलारि आरसुनि आफादगिरि भास्कर राभा आरो उदालगुरि आन्सलिक ए अ र ड ब ल उ स ि नि आफादगिरिजो जनाखि राभामोनहा आफादनि फिरफिलाखौ बिरहोनानै हाबाफारिखौ जागयो। बेनि उनाव गोसोखांथि खाम्फा बेखेवो मिरु आरसुनि गाहाइ नेहाथारि उ सुभाष राभाआ। बिफां फुलि गायखानायनि उनाव निबारन राभानि सुजुनाय



गोसोखांथि लाइसि 'रापस' खौ बेखेवो बिरन चन्द्र राभाआ। मुंख्खं अमितार राभा गोसोखांथि 'स्मृति ज्यति' खौ बेखेवनानै होयो तामुलपुर आन्सलिक आरसुनि आगु आफादगिरि राजु राभाआ। बेलासिनि 2:00 बाजिनिफ्राय खुंनाय गेवलां मेलखौ सामलायो आरसुनि आफादगिरि मतिलाल राभाआ। गेवलां मेलाव थिखानाय बुंथिगिरि महरै बाहागो लायो दुलाराय राभा थुनलाइ आफादनि गाहाइ नेहाथारि रजकुमार राभाआ। राभा हासं काउन्सलनि गाहाइ मावफुंगिरि तंकेश्वर राभाआ जर्'खा आलासि महरै आरो आसुनि आफादगिरि उतपल

शर्मा, दुलाराय बर' फरायसा आफादनि आफादगिरि दिपेन बर', थुनलाइगिरि-संदानगिरि उ उपेन राभा हाकाचामाआ जर्'खा आलासि महरै बाहागो लानानै बिबुंथि लाखियो। मेलाव माननि आलासि महरै राभा माहारियारि आफादनि मिरु आफादगिरि बाबुल चन्द्र राभा, बिटिआरनि मावफुं सोद्रोमा उ निलुत स्वर्गियारि, राभा आइजो आफादनि आफादगिरि ललिता राभा, एमएसडिसिनि आफादगिरि दशानन राभाजों लोगोसे माहारियारि आफादफोरनि बिबानगिरिजों लोगोसे आक्रासुनि नबज्यति कचमोनहा बाहागो लायो।

(1 बिलाइनिफ्राय)

## सालबारि महकुमा खौरांगिरि आफादनि अथि नै बोसोरारि जथुम्मा

लब कुमर दासनो आफादगिरिनि बिबान होनाय जायो। लब कुमर दासनि अनगाथैबो जितुल हसेइन्खो लेडइ आफादगिरि, निपु बायननो नेहाथारि, अमल दासनो लोगो नेहाथारि, कपिल दासनो थुनलाइयारि आरो लाइसि नेहाथारि बिबान गथायनानै बोसोरारिनि थाखाय सालबारि महकुमा खौरांगिरि आफादखौ दाफुनाय जायो।

## गिबि मन्थिआ शिंगापुरनि लेडइ गाहाइ मन्थिखौ लोगो हमदों

सेमि कन्डाक्टर, ग्रीन एनार्जि आरो दारिमिन खोन्दोआव जौगाखांहोनो थाखाय शिंगापुरनि दारिमिनगिरिफोरनिफ्राय रां बाहायनायखौ हास्थायो। बिथाड भारत आरो शिंगापुर हादतनि गेजेराव 2023-24 रांखांथि बोसोरनि समाव 35.6 बिलियन रांनि फालांगियारि सोमोन्दो खालामनायखौबो गावनि बिबुंथियाव फोरमायो आरो बेयाव आसामआबो गाहाइ बिफाव लादों होन्नानै फालांगिरि दैदेनगिरिफोरनि गेजेराव फोरमायो गिबि मन्थिआ।

## फैगौ 17 फेब्रुवारिखालि बिटिसिएलएआव खुंजागोन आसाम आइन आफादनि बाजेट जथुम

जारिमिनारि जथुम्माखौ जाफुंसार खालामनांगोन थाखाय थागथियारि खालामनाय आयदानि सायाव जिल्ला खुंथाइ, पुलिस बिफान आरो गुबुन गुबुन बिफाननि मावख'गिरिफोरजों मेल जथुम्मा। चिफ सेक्रेटारि उ कटाआ बे बाजेट जथुम्मानि थाखाय कक्राझारआव फैगोन साफ्रोमबो मन्थि, एमएलएफोरनि थाखाय थानाय-जानायनि मोजं खालु खालामनानै होनायाव बिफानआरि मावख'गिरिफोरखौ हेफाजाब होनो थाखाय बिटिसिनि प्रिन्सिपाल सेक्रेटारि आकाश द्विपखौ खावलायो। लोगोसे सानसेनि थाखाय खुंजागोन बे बाजेट जथुम्माव बाहागो लाफैगोन मन्थि, एमएलएफोरनि थाखाय जिरायनायनि खाबु, जाग्रा आदर जगायनाय, मोब्लिब गोहो, लोंग्रा दै जगायनाय, साउन्ड सिस्टेम, मेडिकल खाबु, ओर खोमोरग्रा राहा, ट्राफिक मेनेजमेन्ट आरो नांगौ रोखोमनि मावख'गिरि-स्टाफफोर थिसनांगोननि थाखाय बिटिसिनि प्रिन्सिपाल सेक्रेटारिखौ बिथोन होयो। दिनेनि बे नायसं मेलआव बिटिसिनि प्रिन्सिपाल सेक्रेटारि आकाश द्विप, कक्राझार जिल्ला बेंगिरि माचान्दा एम. पार्तिन, कक्राझारनि एस्पि पुष्पराज सिं, बिटिसिनि सेक्रेटारिफोर, गासै बिफाननि गाहाइ बिफानगिरिफोरा बाहागो लाफायो।

## डिमाहासाउआव दावबायहैदों राइज्यो बेंगिरि लक्ष्मन प्रशाद आचार्यआ

गामिआरिफोरजों सावरायनाय समाव राइज्यो बेंगिरिआ आथिखालनि मिरु आरो राइज्यो सरकारआ गामिआरि ओन्सोलआव राइजो जानाय थागिबि सुबुंफोरनि थाखाय गोबांथार बिथांखिफोर जागायनायनि सोमोन्दे फोरमायनानै होयो आरो बेफोर मुलाम्फाफोरखौ खाबु लानो थाखाय गामिआरि राइजो-राजाफोरखौ खावलायो। जर्'खायै राइज्यो बेंगिरिआ लोंग्रा दै, सोल्लोथाइनि थासारि, देहा सिबिथाइ, अरुनदय, जल जीवन मिसन, पिएम किशन बायदि सरकारि बिथांखिफोरखौ गामिआरि राइजो-राजाफोरनिफ्राय खौरां लानाय जादों। राइज्यो बेंगिरिआ डिमाहासाउ जिल्लानि समपारिदिसा गामिआव दावबायहैनानै गामिखौ साखोन-सिखोन लाखिनो थाखाय आरो खौसेयै अनलाइनानै थानो गामिआरिफोरखौ खावलायो। बेनि उनाव राइज्यो बेंगिरिआ हाफ्लं डिभिजननि सिडव थानाय पाइप वाटार साप्लाइ स्कीमखौबो नायसंहैयो। बिथाड समपारिदिसा गुदि फरायसालियाव थानानै फरायसाफोरजों बाथ्रा सावरायज्यायनायखौबो नुनो मोन्नाय जादों। गावनि डिमाहासाउ जिल्ला दावबायहैनाय समाव राइज्यो बेंगिरिआ उदांसि दावहार मुंख्खं सुब्बदन पंल'नि मुसुखायाव थानानै बिथानि 143थि थैनाय साननि लोबबायै बिबारजों मान बाउयो। जोबथा हाबाफारि बायदियै राइज्यो बेंगिरिआ डिमाहासाउनि जिल्ला बेंगिरि, एस्पि आरो गुबुन गुबुन बिफाननि गाहाइ बिफानगिरिफोरजों जिल्ला थासारिनि सायाव मेल जथुमो।

## बिटिआरनि रेलवे स्टेसनफोराव गोखै खारग्रा आरो दावबायारि रेल लाखिनो एमपि रोनगोरा नार्जरीनि दाबि

राइज्योनि दाब-दाब ओन्सोलनिफ्राय राइजो-राजा आरो सोल्लोसाफोरनि मोजं दावबायनाय खाबुनि थाखाय गंफ्रोमबो गोखै खारग्रा आरो दावबायारि रेलफोरखौ लाखिनांगो होन्नानै दाबि खालामो एमपि नार्जरीआ। बिथाड कक्राझारआव लहित एक्सप्रेल, शराइघट एक्सप्रेस, जम्मु टवार एक्सप्रेस, जाजा एक्सप्रेसखौ लानानै गासैबो रोखोमनि गोखै खारग्रा रेलनि स्टेपेज दाबि खालामो। बेनि अनगाथैबो गसाइगाव रेल स्टेसनाव कामाख्यानफ्राय आनान्द बिहार दिल्लीसिम थानाय नर्थइस्ट एक्सप्रेस, डिब्रुगडनिफ्राय हावरसिम थानाय कामरुप एक्सप्रेस, गुवाहाटीनिफ्राय चेन्नाइसिम थानाय बिबेक एक्सप्रेस, डिब्रुगडनिफ्राय बेंगालुरुसिम थानाय बेंलर एक्सप्रेस गोखै खारग्रा रेल गारिफोरखौ लाखिनांगो होन्नानै राइज्यो सभायाव दाबि दाखंदों एमपि नार्जरीआ। बेजों लोगोसे दांतल रेल स्टेसनाव बडाइगावनिफ्राय निउ जलपाइगुरिसिम थानाय रेल गारिखौ बासुगाव रेल स्टेसनाव, कच बिहारनिफ्राय कामाख्यासिम थानाय इन्टरसिटि एक्सप्रेस, धुबुरी-कामाख्या दावबायारि रेल गारिनि स्टेपेज दाबि दाखंदों एमपि नार्जरीआ। बिथाड राइज्यो सभायाव बिटिआरनि सिडव थानाय फकिराग्राम, सापतरग्राम, माजबात आरो खैरबारि रेल स्टेसनाव गंफ्रोमबो दावबायारि रेल गारि लाखिनो दाबियो। एमपि नार्जरीआ दैखानाय दाबिफोरखौ मिरु रेल मन्थिआ आजाथे मावफुडो बेनि थाखाय बिथाड गोखोडै नारसिनो होन्नानैबो मिबथिनो मोन्नाय जादों।

## अरां बियाव बाथौ गौथुमनि रुफाथि माइथाय फोबों आरो उदालगुरि बियाव बाथौ गौथुमनि खुंगा 34थि बोसोरसालिया जथुम्मानि लाइखुनथिया गाइसनबाय

आयदा आरो बाथौ दोहोरमनि सायाव गोथौ आरो गुवारै सावरायनो थाखाय बोसोनगिरिफोरखौ हांखायना लोबोनो राइजो राजाफोरनि सिगाडव दोहोरमनि सोमोन्दे मिबथि होनाय गोबां आयदाफोरखौ बे जथुम्मानि गेजेरजों सावरायनाय जागोन होन्ना बुडो। लोगोसे गाहाइ आरो माननि आलासि महरै बि टि आर नि गाहाइ मावफुं सोद्रोमा प्रमद बर', आसाम आइन आफादनि बुंथिगिरि बिस्वजित दैमारि, मिरु दुलाराइ बाथौ गौथुमनि आफादगिरि, गाहाइ नेहाथारि बिथामोनखौबो बे हाबाफारियाव हांखायहरनाय जादों होन्नानैबो दिनेनि सानाव बुंबावदों। बेराफारसे बे हाबाफारियाव ओन्सोलनि बाथौ दोहोरम सिबियारि राइजो-राजाफोरजों लोगोसे गुबुन-गुबुन बियाबफोरनिफ्राय बाहागो लाफैनाय सुबुंफोरखौ लानानै मुलुग आरो दुलाराय सुबुं माहारिनि गोजोननि थाखाय बे जथुम्मानि गेजेरजों गौमा आर'ज गावनाय हाबाफारियाव बाथौ सिबियारि राइजो-राजाफोरजों लोगोसे गुबुन दोहोरमनि सुबुंफोरखौबो बे जानोगोनां सानथामनि हाबाफारियाव लोब-लोबयै फैनानै जाफुंसार होफैगोनखौ मिर्जिथिहरदों बि टि आर नि मावफुं सोद्रोमा थामहिनबा बान्जाय आफादनि मासिगिरि उ निलुत स्वर्गियारिआ। अरां बियाव दुलाराय बाथौ गौथुमा रुफाथि माइथाय फोबों खुंथायनि लोब्बायै गोदानै लुफुंजानाय थानसालि लोगोसे थानसालिआव हाबग्रा दरखं मोननो हानाया आरो बाथौ दोहोरमनि सोमोन्दे गुबुननो फोरमायनाया बे हाबाफारिनि गुबै मोन्थोर होन्नानैबो गावनि बिबुंथिआव बुडो उ स्वर्गियारिआ। अरां बियाबनि सिडव थानाय मोनफ्रोमबो गामि आफादनिफ्राय बाथौ सिबियारि राइजो-राजाफोरनि बाहागो लानाय आरो ओन्सोलनि बायदि माहारियारि आफादफोरनि दैदेनगिरि मावथि बिथामोननि हेफाजाबाव दिनेनि लाइखुनथिया गाइसननाय हाबाफारिया जाफुंसार महरै जोबनानै थाडो।

## तामुलपुर जिल्ला एबसुनि बान्जायनायाव सानसुमैफोरनि सावराय जथुम खुदों

जौनि इयुन समाजाव गोखें हारि महरै दाफुनो हागोन बेफोर आयदाखौ लानानै जौनि सानसुमै मेलेमजिबि बिथामोनजों सावरायदों। आथिखालाव बर' माहारिआ गुबुन गुबुन हारि माहारिनि बिदा गेदेर जानानै गोखें खामानि मावलांनो दुलाराय बर' फरायसा आफाद आरो जौनि समाज सिबियारि सानसुमैफोरनि गेजेराव गोथैयै सावरायदों होन्ना फोरमायथियो। बेजों लोगोसेनो आसाम आरो बिटिआर ओन्सोलनि मोनफ्रोमबो सरकारि मावख'फोराव बर' रावजों लिरजानो नांगौ, संबिजितनि खान्थि बादिदै मान होन्नानै सरकारि मावफारियाफोरा बेखौ बाहायनांगौ, गाहाइयै बर' अफिसारफोरा गावनो गोसोजानानै बर' रावजों सरकारि साइनबर्डआव लिरनांगौ आरो गुबुन हारिनि अफिसार जायोबा बेखौ बर'जों लिरनो खावलायनांगौ होन्ना मिरु एबसुनि लोगो आफादगिरि खोरोंमदाव औवारिआ खावलायो। तामुलपुर जिल्ला एबसुनि बान्जायनायाव खुंजानाय बे सानसुमैफोरनि जथुमायाव तामुलपुर बियाबनि एम एल ए जलेन दैमारि, बर' थुनलाइ आफादनि नेहाथारि बिनय कुमार नाज्जि, कुमार भास्कर बर्मा, संस्कृत एन्ड एन्वाइन्ट स्टार्टिच इडनिभारचितिनि प्रपेसार उ मदन चन्द्र बर', तामुलपुर डिग्री फरायसालिमानि गोरायुं सरगेस्वर ब्रह्म, तामुलपुर फरायसालिमानि गोरायुं उ जगेन बर', के.बि देउलकुसिनि फोरोंगिरि बिनद स्वर्गियारि बिथामोनजों लोगोसेनो गोबां सानसुमै मेलेमजिबि बिथामोनहा बाहागो लादोंमोन।



# गाहाम देहानि राहा

## मोजां सावस्त्रि आरो फिट थानायाव आदारा गोनांथार बिफाव लायो

आथिखालनि गोखे दावगानाय जिउआव बांसिन सुबुंफोरा बायजोनिफ्राय फास्ट फुड जानो मोजां मोनो। बायजोआव जाग्रा आदार जाबाय थायोब्ला लासै-लासै देहानि लिखाइया बांद्राय जायो। बेजो लोकोसे मानसिफोरा डाइबेटिस, हाइ बिपि आरो गात्रि कलेस्ट्रल बायदि गोब्राव बेरामफोरनि जाहोनाव गोलेनो हयो। बेबादि थासारियाव, जेब्लानो सासे बेरामिआ सासे डाक्टरजो सोमोन्दो लायोब्ला डाक्टरआ गिबियाव बेरामिखो मोनसे सावस्त्रिनां आदार जानो बोसोन होयो। मोनसे सावस्त्रिनां आदार लिखाइ बांनायखो बाडइ खालामनायनि अनगायैबो जोखो सावस्त्रि आरो फिट बो लाखियो। लाखिनांगोदि, सासे सुबुंनि आदारनि गोनांथिया बिसेरनि देहायारि दाथाय आरो बिसेर नाजानायनि बिबानि सायाव सोनारना गुबुन गुबुन जायो। देहाखो मॅनायनिफ्राय बारग होनो थाखाय साफ्रोमबो सुबुंनो 1200 निफ्राय 1800



केल 'रीनि गोनांथि जायो। बे बिबानि केल 'रीखो देहायाव गोहो महेरै साबसिनै बाहायनाय जायो आरो मेजेम महेरै जमा जाया। बेनिखायनो, डायेट चार्टआव थानाय आदार केल 'रि थानायनि सायाव सोनास्ताय जानंगो। बेनि थाखाय डाइट चार्टआ गहायाव होनाय बायदि जानंगो-

- ब्रेकफास्ट, सानजौफुनि जानाय आरो मोनानि जानायखो 300 निफ्राय 350 केल 'रीनि गेजेराव दोनानंगो। आद्रा थानाय 300 केल 'रिफोरखो स्नेक्स आरो गुबुन बेसादफोरनि थाखाय थि खालामनांगो।
- सिखारनाय लोको लोको दे लोनांगो। बेनि थाखाय 2 गिलाससो गुदुं दे लोनांगो।
- ब्रेकफास्टनि थाखाय, अटस

जानांगो , नोंथाड सादा अटसनिफ्राय मैगं-थाइगनि अटस बानायनो हायो।

- सानजौफुनि जानाय आरो स्नेक्सनि गेजेराव 5-10 बादाम, कफी एबा ग्रीन टी आरो हायजें, तुलसी, दालसिन आरो इलायचीजो बानायनाय साहा लोनांगो।
- सानजौफुनि जानायनि थाखाय खुरेसे ब्राउन राइस, सालाद, दालि आरो गुरे रूटि जानंगो।
- बेलासियाव मैगं-थाइगं एबा ग्रीन टिनिफ्राय बानायनाय जायखिजाया सुप लोनांगो।
- मोनानि ओंखामनि थाखाय मैगं-थाइगनि सुप, खुरेसे सालाद, मैथु एबा रुनाय मैगं-थाइगं जानांगो।

# 'कुटुम्बस्तान' सावथुना बक्स अफिसआव मोजां रां आरजिनो हादोमोन

ब ल उ ड सावथुनफोरनिखुइ बांसिन साउथनि सावथुनफोरखो सुबुंफोरा मोजां मोनो हमदो। साउथ सावथुनफोरनि सल 'आ नंगुबे आरो मोनसे जर 'खा सिमप्लिसिटी जायो, जायजो सरासनस्त्रा सुबुंफोरा गोरलैयैनो कानेक्ट जानो हायो आरो जोबोद अन्सायो। बे बोसोराव तामिलनि मोनसे सावथुना नुजाथिदोमोन, जाय बक्स अफिसआव हिट जादोमोन। बे सावथुनाव गावनि बाजेटनिखुइ बांसिन रां आरजिदोमोन। जाय सावथुनि बाथ्राखो जो सावरायदो बेनि मुंआनो जादो कुटुम्बस्तान। बे सावथुना रिलिज जानाय लोको लोकोनो जेयवबो गोसारदोमोन आरो बेयो बक्स अफिसआव मोजां रां आरजिनो हादोमोन। 'कुटुम्बस्तान' आ मोनसे तामिल सावथुन, जाय 24 जानुवारिखालि सिनेमाहलफोरव रिलिज जादोमोन। बे सावथुनखो 8 कौटि रांनि बाजेटआव बानायदोमोन। सावथुना वाल्डवाइड 22 कौटि रां आरजिदोमोन। सावथुना एडभान्स बुकिनिफ्रायनो 5 कौटि रांनि कालेक्सन खालामदोमोन। बेयो मोनसे कमिडि सावथुन, जायखो राजेश्वर कालिसामिआ



डायरेक्ट खालामदो। कुटुम्बस्ताननि बाथ्रा सावरायोब्ला, बेयाव के. मणिक्न्दन आरो साने मेधनाआ गाहाइ फावआव दड। बे कमिडि ड्रामा सावथुना ल'आप मिडिल स्कालनि सुबुंनि सल'। सावथुनाव ल'आर मिडिल क्लासनि सल'खो दिन्थिन्याय

जादो, जाय गावनि साखि गोमानायनि उनाव खरसा बांनाय आरो नख 'रनि जॅनाजो मोगा-मोगि जानाडो। प्रेनेन्ट बिसि आरो शान्ति गैथै बिहाव-बिखुनजोफोरजो लोकोसे बिथाड गावनि जिउखो फिन दालांफिनो नाजानानै फाइनेन्सियल स्ट्रगल आरो पार्सनेल स्ट्रगलखो जानगाव दोन्नाडो। आइएमडिबिनफ्राय बे सावथुना 8.1 रेटि मोन्दो। कुटुम्बस्तानखो लानानै मिबथि होनाय जादोदि, बेयो अटि प्लेटफर्म जि 5 आव रिलिज जागोन।

## 'सनम तेरी कसम' रि-रिलिज सावथुनआ बक्स अफिसआव मोजां रां आरजिनो लोकोसे आवगायलांगसिनो दं

हर्षभर्धन राणे आरो पाकिस्ताननि फावखुंनि मावरा हुसेननि रमान्दिक सावथुन 'सनम तेरी कसम' आ आथिखालाव गोबां खोरंआव थादो। बावैसो सिगां भेलेन्टइन उडकखो नोजोर होनाय बे सावथुनखो थियेटर्सफोरव रि-रिलिज खालामनाय जादो। बक्स अफिसआव 'सनम तेरी कसम' सावथुना रि-रिलिजआव मोजां कालेक्सन खालामनाय आवगायलांगसिनो



दं। बेनि गेजेराव नोंथांमोनहाबो बे सावथुनखो नायनो गोसो जादोब्ला आरो सिनेमा हलसिम थांनो थाखाय नोंथांमोनहा सम गैयाब्ला, नोंथांमोननि थाखाय जो मोजां खोरं लाबोदो। जायनि गेजेराजो जो नोंथांमोननो मिबथि होगोन जे नोंथांमोनहा बे सावथुनखो मबे अटि प्लेटफर्मआव फ्रिआवोनो नायनो हागोन। बबेखानि सनम तेरी कसम सावथुननि अटि राइटसआ मुंदांखा डिजिटल

प्ले फर्म आमंजन प्राइम भिडिअनि आखायावसो दं। नाथाय दा जेब्ला सावथुना गिदिर पर्डाआव रि-रिलिज जायो अब्ला बेखो प्राइम भिडिअनिफ्राय माखासे समनि थाखाय बोखारथ 'बाय। नाथाय नोंथांमोनहा दाबो सनम तेरी कसम सावथुनखो अनलाइन फ्रिआव नायनो हागोन। अदेबानि जिय' सिनेमाया बै अटि प्लेटफर्म, जेराव हर्षभर्धन राणेनि सनम तेरी

कसम सावथुना फ्रिआव दं। जुदि नोंथांमोनहाबो भेलेन्टइन उडकआव गावनि पार्नारजो लोकोसे रमान्दिक सावथुन नायनो प्लान खालामदोब्ला, सनम तेरी कसमनिखुइ जाबसिन जेबो अप्सन नोंथांमोननि थाखाय थानाय नडा। जिय' सिनेमायाव न'आव जिरायनानैनो नोंथांमोनहा बे समायना रमान्दिक सावथुनखो नायनानै गोजोन्नाय लानो हागोन। मिबथि होनाय जायोदि, 2016 आव रिलिज जानाय सनम तेरी कसमआ बक्स अफिसआव फ्लप जादोमोन। नाथाय रि-रिलिजआव बे सावथुना सल'खो सोलायदो आरो मोजां कालेक्सन खालामनाय बयखोबो गोमोहाव होदो।

## मिज 'रामनि मुंदांखा मिज' प'प स्टार फनाइआ रुंसारि जाबाय



मिज 'प'प मिजजिकनि ओन्सोलोव सासे गाहाइ सुबुं, जायनि मुंआनो जादो फेली फनाइ। बिथाड बुधवारखालि फुनि 2:15 रिनासोआव मिज 'राम'आव जिउ गोमायो। बिथांखो माखासे बेरामजो भुगिनांनयनि उनाव एबेनेजर देहा फाहामसालियाव थिसन्याय जादोमोन आरो बेयाव फाहामथाया सोलिगासिनो दडमोन। फनाइआ मुंदांखा मिज' आइजो प'प स्टारफोरनि गेजेराव सासेमोन। बिथांनि फेन फलईफोय मिज 'रामनि सिमनाफोरवबो गोसारना दंमोन। बिथांखो 20 डिसेम्बर 2024 आव देहा गात्रिसिन जानायनि जाहोनाव आइजल देहा फाहामसालियाव थिसन्याय जादोमोन आरो उनाव 6 जानुवारि 2025 आव साबसिन फाहामथायनि थाखाय एबेनेजर देहा फाहामसालियाव लांनाय जादोमोन। फेली फनाइनि मिज' संगितआव बिहोमा होनाया मख 'जाथावमोन, मानोनो बिथांखो मिउजिक एबा संगितनि थाखोआव निय'-मिज 'प'प आरो समाइना मिथिगायारि नुथायखो दिन्थिन्यायनि मान होनाय जादोमोन। फनाइनि संगित केरियारआ माखासे बोसोरसिम मोजाडैनो सोलिदोमोन, जेराव बिथांनि डेब्यु स्टुडिओ एल्बाम 'फेम खावलावी' आ 19 नभम्बर, 2013 आव रिलिज जादोमोन। बिथांनि नैथि आरो जोबथा एल्बाम 'तुम' एन अन ल्नुक ल'' आ 30 जानुवारि, 2020 आव रिलिज जादोमोन।

## फावखुंनि तृष्णा कृष्णनि एक्स एकाउन्टआ हेक जादो

आथिखालाव जेसेबां गोखेयै टेक्न 'लजिआ आवगायलांगोसिन दं, बेनि मुलाम्फाजो लोकोसे माखासे रोखोमनि ख'हा जानायखोबो नुनो मोन्दो। बेफोरनि मादाव मोनसेया हेकिनि जाथाइ, जाय गोबाव समनिफ्रायनो खोरंआव थादो। हेकासफोरनि थांखियाव बांसिन सावथुन मुलुगनि फावगिरिफोर थायो। बे जाथायाव आथिखालाव साउथ सिनेमानि मुंदांखा फावखुंनि तृष्णा कृष्णनि मुंआबो थाफादो। हेकासफोरा फावखुंनि एक्स एकाउन्टखो हेक खालामदो, जायनि खोरंखो तृष्णाया इन्स्टाग्रामआव पस्ट शेयार खालामनाय मिबथि होदो। गावनि अफिसियल एक्स हेन्डेलनि हेक जानायनि खोरंखो तृष्णा कृष्णाया अफिसियल इन्स्टाग्राम हेन्डेलआव स्ट'रि शेयार खालामदो। बिथांआ इन्स्टा स्ट'रियाव लिरोदि, आंनि एक्स एकाउन्टआ हेक जादो। जायफोरखो पस्ट खालामनाय जादो, बेयो आंनि नडा।



जेब्लासिम बेखो थिग खालामोदि, तृष्णा कृष्णनि टीमआ थाबैनो बे जॅनाखो समाधान खालामनो हागोन। एक्स हेन्डेल हेक जानायनि अनगायै भिदामुयाधि सावथुनखो लानानैबो फावखुंनि तृष्णा कृष्णनि मुंआ लांथियै खोरंआव थादो। अदेबानि सुपास्टर अजित कुमारजो लोकोसे बिथांनि बे सावथुना थांनय 6 फेब्रुवारीखालि सिनेमा हलफोराव रिलिज जादोमोन। मख 'नो गोनादि, अजित आरो तृष्णा कृष्णनि बे सावथुना 6 सानसिमाव 70 कौटि रांनि कालेक्सन खालामबाय।

खालामोदि, तृष्णा कृष्णनि टीमआ थाबैनो बे जॅनाखो समाधान खालामनो हागोन। एक्स हेन्डेल हेक जानायनि अनगायै भिदामुयाधि सावथुनखो लानानैबो फावखुंनि तृष्णा कृष्णनि मुंआ लांथियै खोरंआव थादो। अदेबानि सुपास्टर अजित कुमारजो लोकोसे बिथांनि बे सावथुना थांनय 6 फेब्रुवारीखालि सिनेमा हलफोराव रिलिज जादोमोन। मख 'नो गोनादि, अजित आरो तृष्णा कृष्णनि बे सावथुना 6 सानसिमाव 70 कौटि रांनि कालेक्सन खालामबाय।

## 'ने झा 2' सावथुना बक्स अफिसआव जासिगोन



चिननि एनिमेटेड सावथुना 'ने झा 2' आ नै सप्ताहनि गेजेरावनो बक्स अफिसआव मोजां रां आरजिनानै ओरैबायदि जासिगोन हादोदि, जायखो जेब्लायबो गोसोआव लाखिन्याय जागोन। 29 जानुवारिखालि रिलिज

जानायनि उनाव बे सावथुना मोनसे आर'ब डलारनि रां आरजिनो हानाय गिबि हल्लिउड नडै सावथुन जादो। बेजो लोकोसे बे सावथुना बयनिखुइ बांसिन रां आरजिनो हानाय सावथुननि रिक्ड'खोबो सिमफायदो। मा यान

एन्टरटेन्मेन्ट डायनि बायदिब्ला, 'ने झा 2' आ दासिमाव 1.2 आर'ब डलार अन्जिमनि बांसिन रां आरजिबाय। बे बायदि आरजिनो हानायनि उनाव सावथुना चीननि देरसिन बक्स अफिसआव हिटनि जायगा आवगिनो हादो। सावथुन रिभिउयार रेमन्ट झरुनि बायदिब्ला, 'ने झा 2' आ मोनसे ओरैबायदि सावथुन, जाय गासै बैसोनि नायगिरिफोरखो गोसो बोनो हादो आरो साफ्रोमखोबो सिनेमा हल फारसेबोबोनो हादो। बे सावथुना आथिखालाव चीनआवलि रिलिज जादो आरो बेवहाय बे सावथुना गोबां जाफुंसारदो। आमेरिकाआव सावथुना 14 फेब्रुवारीखालि रिलिज जागोन, जायनि थाखाय नायगिरिफोरनि गेजेराव जर 'खा एक्साइटेड जानायखो नुनो मोन्दो। सावथुननि इन्टरनेशनल नायगिरिफोरखो बेखो नायनो थाखाय एक्साइटेड जानानै दं। 'ने झा 2' नि गिबि खोन्दोआ 2019 आव रिलिज जादोमोन, जाय चॅगुड कक' कार्टन एनिमेशन स्टुडियनि गिबि सावथुनमोन। गिबि खोन्दोआबो गावनि सल' आरो साबसिन एनिमेशननि जाहोनाव नायगिरिफोरनि गोसोखो देरहानो हादोमोन। बबेखानि बेनि सिक्वेलआ बक्स अफिसआव दोहो सोमजिहोगासिनो दं। 'ने झा 2' सावथुना 'इन्वेस्टिचर अफ दा गडस' नि सायाव बिथा खालामनाय।

## मणिपुरी फिल्म 'याहौथेंबा खइमु' खो तेलेंगाना आइएफएफआव दिन्थिफुंगोन

मणिपुरी फिचार फिल्म 'याहौथेंबा खइमु' खो अफिसियल तेलेंगाना हारिमायारि फिल्म महात्सभ 2025 आव दिन्थिफुंगोन थाखाय सायख 'नाय जादो। बे सावथुना डा. आरके नयनसनानि सल'नि सायाव बिथा खालामनाय आरो बेखो राके श नाइरेमआ डायरेक्सन खालामदो। बेखो 16 फेब्रुवारिखालि हाइड्राबादिनि प्रेस क्लबाव दिन्थिफुंगोन नाय जागोन। बे महात्सभखो भारतीय सावथुन इडनियन, तेलेंगानानि गेजेराजो खुंनुनाय जागोन। डा. नयनसनाआ फोरमायोदि, बे



सावथुना बिथांनि सुंद' सल' 'सानरिक् परे' निफ्राय थुलुंगानाय, जाय थार जिउनि लोको सायख 'नाय आरो जुलियाव गोरोन्थि थिरांथा लानायनि फिथाइनि सोमोन्दै मोनसे गोखो खोरं होयो। बेखो

इपाक फिल्मस प्रडाक्सननि गेजेराजो बानायनाय जादो आरो जयदिप मेम 'रियेल फाउन्डेशन, इम्फलनि गेजेराजो दिन्थिफुंगोन जादो। सावथुननि प्रिमियार स्व'आ 13 जानुवारि 2025 खालि गोदान दिल्लीनि

मुक्तधारा अडिटरियामआव जादो। डायरेक्टर राके श नाअरेमआ मणिपुरी सिनेमाखो नय गिरिफोरनि सिम सौहैहोनयनि सोमोन्दै गावनि एक्साइटेड जानायखो फोरमायदो। बेयो मेटेइ फोलेर आरो बेखो इयुनि थाखाय दिल्लीआव बे जर'खा प्रिमियारनि गेजेराजो 'याहौथेंबा खइमु' आव दिन्थिफुंगोन गोगाथाव बाथ्रा। जो त्रिपुया, आसाम, बंगालर आरो हाइड्राबादआव स्क्रिनि दिन्थिफुंगोन थांखि लादो जाहाथे गोबां नायगिरिफोरा सौहैहो हायो।



एडभान्स बुकिनि कालेक्सनासो मिबथि होदो। छत्रपति सम्बाजि महाराजनि बिफाव होनो नागिरनाय भिक्क कौशलनि केरियारखो 'छाभा' सावथुना सोलाय होनो हागो। अदेबानि फावखुंनुरआ माखासे हिट सावथुनफोर होदो, नाथाय बे सावथुननि क्रेजिआ नेक्सट लेभलआव जागोन। जेब्ला लक्ष्मण उतेकरनि डायरेक्सनआव बानाय जानाय 'छाभा' सावथुननि ट्रेलारआ आउट जादोमोन, अब्ला सुबुंफोरा

सम्बाजि महाराजनि फावआव भिक्क कौशलखो नुनानै बोदोर जादोमोन। बबेखानि दा सुबुंफोर भेलेन्टइन डेनि समखो नेनानै दं। 14 फेब्रुवारीखालि सिनेमा हलफोरा हाउसपुर् जागोन, जायखो एडभान्स बुकिनि कालेक्सनजो गोरलैयैनो मोन्दांथिनो हायो। 'छाभा'नि एडभान्स बुकिनि थाखाय थियेटर्सनि टिकेट खिरकिखो 9 फेब्रुवारीखालि खेवनाय जादोमोन। बुकिआ अपेन जानाय लोको लोकोनो



## आइजो गेलेगिरिफोरनि इभेन्टआव ट्रेन्सजेन्डार गेलेगिरिफोरखौ होबथानो थियारि खालामदों

गोदान दिल्ली, 12 फेब्रुवारी: वर्ल्ड एथलेटिक्स आ एथलेटिक्स आइजोफोरनि इभेन्टआव ट्रेन्सजेन्डार आरो हौवानि गुन गोनां एथलीटफोरनि बाहागो जानायखौ होबथानो थाखाय थियारि खालामगासिनो दड। बेनि थाखाय वर्ल्ड एथलेटिक्स आ मोनसे गोखौ नेमखान्थि लाबोनो थिरांथा लादों। जायनि गेजेरजों आइजोफोरनि इभेन्टआव ट्रेन्सजेन्डार एथलीटफोर, आथोनारि जौथायनि फारागथि (डिएसडि) गोनां आइजो एथलीटफोर आरो आइजोफोरनि के टेगिरीआव हौवानिफ्राय हिन्जाव जानाय एथलीटफोरखौ आबुडै होबथानाय जागोन। आइजोफोरनि के टेगिरीआव बाहागो लानो थाखाय बिसेरनि सायाव नायबिजिरनाय जागोन। बेनि थाखाय वर्ल्ड एथलेटिक्स आ क्रमजम आन्जादखौ फिन सिनायथिनो



थाखाय थाखाथियारि खालामदों। जेराव 1990 आव आइजोफोरनि के टेगिरीआव रोखा बादायनाय लाबोनो थाखाय बेबादि थिरांथा लानाय जादोंमोन। बे नेमखान्थि गेजेरजों आइजोफोरनि वाइ क्रमजम (हौवाफोरनि क्रमजम) थानायखौ नायबिजिरनाय जागोन। जायनि फिथाइ महै

आइजोफोरनि इभेन्टआव आबुडै नो ट्रेन्सजेन्डार एबा हौवानि क्रमजम थानाय गेलेगिरिफोरा खाबु मोन्याय नड। बेबादि थासारिआव अलिम्पिक मेडेलिस्ट खोला आफ्रिकानि डिएसडि एथलीट कास्टर सेमेन्याआबो आइजोफोरनि के टेगिरीआव बादायनो हानाय नड। मख'नाय

जायोदि, वर्ल्ड एथलेटिक्स आआफादगिरिआ आइजो इभेन्टआव ट्रेन्सजेन्डार आरो हौवा एथलीटफोरनि बाहागो जानायखौ होबथानो थाखाय थियारि खालामदों। मानोनो हौवा आरो आइजो गेलेगिरिनि फारागथिआ थानाय अलिम्पिकनि समावबो गोबां जेनानि जाहोन जादोंमोन।

वर्ल्ड एथलेटिक्सनि आफादगिरि बार्ग' अलिम्पिक मेडेलिस्ट ब्रिटिस एथलीट सेभेस्टियान क'आ 2023 आव बे नेमखान्थिखौ गोखौ खालामनानै आइजोफोरनि के टेगिरीआव हौवा आबुडै बन्द फोसावनायनि उनाव बे नेमखान्थिखौ आबुडै बाहायनो थाखाय थाखाथियारि खालामदों। जेराव बिथाडा बेबादि नेमखान्थियाव मुंदांखा सा 13 सो एथलीटफोरनि सायाव गोहोम गोग्लैगोनखौ मिर्जिथिदों। जेराव कास्टरआबो अलिम्पिक गल्ड मेडेलिस्ट महैरि हिन्जावबलाबो हौवा हर्मन टेस्थरेसआव हौवानि जिबिखि मोन्यायनि जाउनाव बेबादि नेमखान्थिआव बाहागो लानो मोन्याय नड जेराव बिथाडा 800 मिटार खारनाय बादायनायनिफ्राय जानगारआव थानांगोन।

शिलं, 12 फेब्रुवारी: मेघालयआ 2027 नि फेब्रुवारी-मार्च दानआव नेसनेल गेम्सनि 39 थि खुंथायखौ बान्जायनो मोनगोन। बेनि सोमोन्दै भारतयारि अलिम्पिक गौथुम (आइए) नि आफादगिरि पिटी उषाआ मन्थि कनराड सांमानो गांसे लाइजामनि गेजेरजों फोरमायहरदों। फैगौ शुक्रबारखालि उत्तराखन्डनि हाल्डवानीआव 38 थि नेसनेल गेम्स जोबनाय फोर्बोनि समाव मेघालयआ आइएनि फिर्फिलाखौ मोनसिगोन। आइएनि आफादगिरि उषाआ आइएनिफ्राय 39 थि नेसनेल गेम्सखौ बान्जायनो मेघालयनो होनाय मोन्थायखौ फोरमायनानै गोजोनाय फोरमायहरदों। जेराव बिथाडा बे गेम्सनि फिर्फिलाखौ सोलिफु गेम्सनि जोबनाय फोर्बोनि समाव गथायनो थाखाय गिबि मन्थि सांमाखौ हांखायहरदों। गुबुन फासै बेनि



सायाव गिबि मन्थि सांमाआबो गोजोनाय फोरमायदों आरो बेखौ मेघालयनि थाखाय मोनसे मान गोनां फोरमायदों। बिथाडा एक्सआव मेघालयनि मावख'यारि महैरि 39 थि नेसनेल गेम्सनि थाखाय बान्जायगिरि महैरि सायख'जानायखौ गोजोनाय फोरमायो। लोगोसे उत्तराखन्डआव खुंजानाय 38 थि नेसनेल गेम्सनि जोबनाय फोर्बोनि समाव बाहागो लानानै आइएनि फिर्फिलाखौ नाजावनो मोनगोनखौ लानानै गोजोनाय फोरमायदों।

मख'नाय जायोदि, सोलिफु नेसनेल गेम्सआव मोन 38 हान्जाफोरनिफ्राय सा 10,000 निबो बांसिन एथलीटफोरा बाहागो लादों। जेराव बिथांमोनहा दर 7 सहरफोरव गावसोरनि रेंगथिखौ दिन्थिफुनो खाबु मोन्दों। मख'नाय जायोदि, 2027 आव मेघालयआ बे गेम्सखौ बान्जायोब्ला 5 बोसोरनि गेजेरव नेसनेल गेम्सआ खेब्रै बान्जायजागोन। जेराव 2022 आव बेखौ गवाआव खुंफुनाय जादों आरो 2015 आव केरेलाआ बान्जायनो खाबु मोन्दों।

## ज्यति याराजि आरो आनिमेसआ नेसनेल गेम्सआव सनानि मेडेल देरहादों

गोदान दिल्ली, 12 फेब्रुवारी: हार्डल रेसनि स्टा गेलेगिरि ज्यति याराजि आरो स्पीन्टार आनिमेस कुजुरआ नेसनेल गेम्सआव फारियै नैथि आरो थामथि सनानि मेडेल देरहानो हादों। गुबुन फासै थाबायनाय बादायलायनायनि सा 15 गेलेगिरिफोरा बे गेम्सनि थानाय रेकर्डनिफ्राय साबसिनै दिन्थिफुदों। भारतीय रैनियाआ बे समावनो मेडेलनि फारिलाइआव टपआव गावसोरनि मासिखौ साबसिनै



लाखिदों। बेनि सिगां 100 मिटार आरो 4 x 100 मिटारनि बिमुं देरहानाय उरिघानि 21 बोसोर बैसोनि कुजुरआ 20.58 सेकेन्ड समजों हौवाफोरनि 200

मिटार रेसआवबो सनानि मेडेल देरहादों। बिथानि बे समआ गुजराटआव 2022 आव आसामनि अमलान बरगहाइनि 20.55 सेकेन्ड समजों नेसनेल

गेम्सआव थिसन्याय रेकर्डनिफ्राय बांसिनआव थाहैदों। 100 मिटार हार्डल रेसआव सनानि मेडेल देरहानाय अन्ध प्रदेशनि 25 बोसोरनि याराजिआ आइजोफोरनि 200 मिटार रेसआव 23.35 सेकेन्ड समजों सनानि मेडेल देरहानो हादों। दिल्लीनि केएम चन्दाआ आइजोफोरनि 800 मिटारआव गावनिनो नेसनेल रेकर्डखौ सुद्रायदों। जेराव बिथाडा 2.82 मिनिट समजों सनानि मेडेल देरहानाय फारिआव 2022 आव थिसन्याय गावनि रेकर्डखौ 2 मिनिट 1.58 सेकेन्ड समआव सुद्रायदों। बेनि सिगां बिथाडा 1500 मिटारआवबो सनानि मेडेल देरहानो हादों। मख'नाय जायोदि, भारतयारि रैनियाआ गं 9 सनाजों गं 17 मेडेल देरहादों। जेराव दासिमआव बे हान्जाया गं 54 सना, गं 22 सिलभार आरो गं 21 ब्रन्जजों गासै गं 97 मेडेलजों गिबि नम्बरआव जायगा आवग्रिनानै दड।

शिलं, 12 फेब्रुवारी: मेघालयनि रजथानि शिलंआव थानाय जवाहरलाल नेहरु स्टेडियमआव फैगौ मार्च दानआव फिफा इन्टरनेसनेल उइन्ड'नि समाव भारतनि सिनियर हौवाफोरनि नेसनेल फुटबल हान्जाखौ बांलादेशनि हेंथायै बादायनाय नुनो मोनगोन। बेनि सोमोन्दै भारतयारि फुटबल आफाद (एआइएफएफ) आ फोसावलाइनि गेजेरजों रोखा खालामदों। भारतआ फैगौ 25 मार्चखालि बांलादेशनि हेंथायै एफसि एसियान काप सौदि आरब 2027 क्वालिफायरनि जोबथा राउन्डनि केम्पेनखौ जागायगोन। जेराव शिलंनि जेएलएन स्टेडियमआव गावसोरनि थियारिनि बाहागो महैरि 19 मार्चखालि मालद्वीपनि हेंथायै खेबसे हारिमायारि लोगोयारि मेच गेलेगोन। भारतनि फुटबल हान्जाया हंके, सिंगापुर आरो बांलादेशजों



लोगोसे एफसि एसियान काप सौदि आरब 2027 क्वालिफायर फाइनाल राउन्डनि गुप-सिआव इ जादों। जेराव बे हान्जाफोरा 2026 नि मार्च दानसिमआव नख'रारि फोथारफोरव हम एन्ड वे राउन्ड रविन फर्मटआव गावजों गाव बादायलायगोन। जेराव देरहागिरि हान्जाफोरा एसियान काप टुनांमेन्टआव गावसोरनि मासिखौ लाहैगोन। भारतनि हान्जाया बावैसो सान सिगां

खेबथाम मेचआव मोगा-मोगि जादों। जेराव भारतनि हान्जाया 2021 नि सैफ सेम्पियनसिपआव बांलादेश आरो 2022 नि जुन दानआव कलकाठआव एफसि एसियान काप क्वालिफायरआव हंके आरो सेप्टेम्बर दानआव सिंगापुरजों मोगा-मोगि जादों। फिफानिफ्राय थानाय नभम्बर दानआव फोसावनाय रेंकि बादिब्ला, भारतआ 127, हंकेआ 156, सिंगापुरआ 161

आरो बांलादेशआ 185 मासिआव जायगा मोन्दों। जेराव भारतआ बे हान्जाफोरनि हेंथायै गोखौ सेलेन्जनिफ्राय रेहाय मोनो हागौ। थानाय बोसोराव शिलंनि बे स्टेडियमआव मेचफोरनि थाखाय थावनिखौ साबसिनै सुद्रायनाय जादों। जेराव बे स्टेडियमआव माखासे खाबुजों हौवाफोरनि हारिमायारि मेचखौ बान्जायनो थियारि खालामदों।

## एएसइबिएससिआ बरदलै ट्रफीनि फाइनालाव सौहैबाय



नारसिन्थाय होदोंमोन। बे मेचआव देरहानाय हान्जाया नैथि हाफनि जागायजेन्नायावनो गलनि फारागथिखौ लाबोदों। जेराव आगिस फार्सेनिफ्राय हितेस्वर कामाननि हरनाय क्रसखौ चन्दन बर्मनआ गलनि महर होनो हादों। जेराव बे स्करिखौनो देरहानाय हान्जाया जोबनायसिम लाखिदों। बे

समाव आसाम पुलिसनि गल किपार पराग दासआ बलखौ होबथानायाव फेलें जादों। आसाम पुलिसनि हान्जाया बेनि उनाव गोखौ गागलोबनायजों जुरिदोंब्लाबो समान स्करिनि गल सोनायाव फेलें जादों। बे मेचनि जोबथा फार्से जेन्नांनय हान्जाया गावसोरनि मोजां फर्मखौ लाखिहैनायाव फेलें जादों। जाउनाव एएसइबिएससिनि हान्जाया गरसे गलनि फारागथिआवनो देरहानो हादों।

गेलेगिरिआ इन्डर एटिपि 250 आव फ्रान्सनि बादायारिखौ 6-4, 6-4 स्करआव फेजेनानै हार्डकर्टआव गावनि 100 थि दावबायनाय थाखोनि देरहानाय थिसन्दों। बे अपेनि गुबुन मेचआव फ्रान्सनि लुका भन एस्सेआ राउन्डअफ 32 आव बादायनाय 2 घन्टा 11 मिनिटनि सेलेन्जआव हादरनिनो बादायारि बेन्जामिन बन्जिखौ 3-6, 6-3, 7-6(7) स्करआव फेजेन्दों। जेराव जार्मानि डेनिएल आल्टमायरआ कर्ट 1 आव गेलेनाय मोनसे मेचआव फ्रान्सनि लुका नाडिखौ 6-2, 6-2 स्करआव फेजेन्दों। मख'नाय जायोदि, मुलुगनि बारग' नम्बर 7 थाखोनि गेलेगिरि गेस्कुटआ मार्शिलेआव इभेन्टनि जारिमिनआव बर्यनिखुइ उन्दैसिन मेच देरहागिरि जानानै दड। जेराव बिथाडा 2003 आव पेलिसियान लफेजखौ 16 बोसोर बैसोआवनो फेजेन्दोंमोन।

## आलेक्जेन्डार बुल्लिकआ मार्शिले अपेनआव रिचार्ड गेस्कुटखौ फेजेन्दों



मांशिले, 12 फेब्रुवारी: काजाकिस्ताननि आलेक्जेन्डार बुल्लिकआ मार्शिले अपेनि गिबि राउन्डआव फ्रान्सनि मुंदांखा बादायारि रिचार्ड

गेस्कुटनि सेलेन्जखौ बारनो हादों। जेराव गेस्कुटआ सोलिफु बोसोराव फ्रान्स अपेनि उनावनो टेनिसनिफ्राय आजिरा लासिगोन। काजाकिस्ताननि

गेलेगिरिआ इन्डर एटिपि 250 आव फ्रान्सनि बादायारिखौ 6-4, 6-4 स्करआव फेजेनानै हार्डकर्टआव गावनि 100 थि दावबायनाय थाखोनि देरहानाय थिसन्दों। बे अपेनि गुबुन मेचआव फ्रान्सनि लुका भन एस्सेआ राउन्डअफ 32 आव बादायनाय 2 घन्टा 11 मिनिटनि सेलेन्जआव हादरनिनो बादायारि बेन्जामिन बन्जिखौ 3-6, 6-3, 7-6(7) स्करआव फेजेन्दों। जेराव जार्मानि डेनिएल आल्टमायरआ कर्ट 1 आव गेलेनाय मोनसे मेचआव फ्रान्सनि लुका नाडिखौ 6-2, 6-2 स्करआव फेजेन्दों। मख'नाय जायोदि, मुलुगनि बारग' नम्बर 7 थाखोनि गेलेगिरि गेस्कुटआ मार्शिलेआव इभेन्टनि जारिमिनआव बर्यनिखुइ उन्दैसिन मेच देरहागिरि जानानै दड। जेराव बिथाडा 2003 आव पेलिसियान लफेजखौ 16 बोसोर बैसोआवनो फेजेन्दोंमोन।

## रहित शर्माआ सेन्सुरि रान लासेयावबो आइसिसि रेंकिआव खहा जानादों



गोदान दिल्ली, 12 फेब्रुवारी: भारत आरो इलेन्डनि गेजेरव गेलेनाय वन्डे मेचनि समावनो आइसिसिनिफ्राय गोदान रेंकि फोसावदों। रहित शर्माआ इलेन्डनि हेंथायै कटाकआव गेलेनाय नैथि वन्डे मेचआव सेन्सुरि लादोंब्लाबो बे बिथिडव खहा जानादों। बेराफार्से शुभमन गिलआ मुलाम्फा मोन्दों। गात्रियै प्लप जानाय भिरट कहलीआबो बे फारिआव खहा जानादों। जेराव पाकिस्ताननि बारग' केपेन बाबर आइमआ 786 रेटिजों नम्बर 1 मासिआव थादों। बे फारिआव शुभमन गिलआ 781 रेटिजों नैथिआव जायगा मोन्दों। जेराव गिलआ लान्थियै खेबनै हाफ सेन्सुरि लानायनि मुलाम्फा मोन्दों। नाथाय बे फारिआव रहित शर्माआ मोनसे मासि खहाजों थामथि नम्बरआव दावखलायदों। बिथानि रेटिआव 773 जानानै दड। बे फारिआव आयालेन्डनि हेरि टेक्स्टआ मोननै मासि आवगायनानै 737 रेटिजों त्रैथिआव आरो खोला आफ्रिकानि हेनरिक क्लासेमआ 736 रेटिजों टप 5 आव जायगा मोन्दों। भारत आरो इलेन्डनि गेजेरव बादायनाय थामथि वन्डे मेचनि उनाव फिन रेंकिआव सोलायनाय नुनो मोनबावगोन। थामहिनबा सेम्पियन ट्रफीनि सिगां आरोबाव फोसावजानो गोनां बे रेंकिआव सोलायनायखौ नुनो मोनगोन।

उज्बेकिस्ताननि नदिरबे क आबुसतारभआबो फ्रान्सनि अलिरेजा फरिजाजों पइन्ट रानलायदों। फ्रीस्टाइल चेसआव पनफोर गावसोरनि जायगायाव थायो। जेराव गुबुन थुखाफोरनि थाथायखौ 960 लामाजों सोलायनो हायो। जेराव बबी पिसरआ फ्रीस्टाइल चेसनि बादायनायखौ लामा दिन्थिजेनग्रा सुबुमोन।

## फ्रीस्टाइल चेसआव गुकेशआ नाकामुराजों इ गेलेदों

गोदान दिल्ली, 12 फेब्रुवारी: वर्ल्ड सेम्पियन डि गुकेशआ फ्रीस्टाइल चेसनि 5-8 मासिनि बादायनाय आमेरिकानि हिकारु नाकामुराजों इ गेलेदों। गुबुन फार्से सेमिफाइनालनि बादायनायाव मेगनास कार्लसनआ गिबि मेचआव भिनसेन किमरजों जेन्नादों। जेराव कारुवाना आरो उज्बेकिस्ताननि जाभकीर



सिन्दारभनि मेचआ इआव थुगेयो। मख'नाय जायोदि,

गुकेशआ वे टुनांमेन्टआव 8 थि खेब इ गेलेबाय। जार्मानि किमरआ वर्ल्ड नम्बर 1 आरो बे फर्मटनि मुंदांखा मेगनास कार्लसननि हेंथायै गोखौडै दिन्थिफुदों। आमेरिकानि फेभियान' कारुवानि हेंथायै क्वार्टर फाइनालाव 0-2 स्करआव जेन्नायनि उनाव गुकेशआ नाकामुराजों हेंथायै मोजाडै दिन्थिफुदों। जेराव

उज्बेकिस्ताननि नदिरबे क आबुसतारभआबो फ्रान्सनि अलिरेजा फरिजाजों पइन्ट रानलायदों। फ्रीस्टाइल चेसआव पनफोर गावसोरनि जायगायाव थायो। जेराव गुबुन थुखाफोरनि थाथायखौ 960 लामाजों सोलायनो हायो। जेराव बबी पिसरआ फ्रीस्टाइल चेसनि बादायनायखौ लामा दिन्थिजेनग्रा सुबुमोन।

उज्बेकिस्ताननि नदिरबे क आबुसतारभआबो फ्रान्सनि अलिरेजा फरिजाजों पइन्ट रानलायदों। फ्रीस्टाइल चेसआव पनफोर गावसोरनि जायगायाव थायो। जेराव गुबुन थुखाफोरनि थाथायखौ 960 लामाजों सोलायनो हायो। जेराव बबी पिसरआ फ्रीस्टाइल चेसनि बादायनायखौ लामा दिन्थिजेनग्रा सुबुमोन।